

四庫全書

史部

欽定四庫全書

史部

欽定八旬萬壽盛典卷

四十七之
四十九

詳校官編修臣汪鏞

欽定四庫全書

八旬萬壽盛典卷四十七

盛事

二十三

收成分數二

乾隆五十二年直省收成分數

直隸省二麥七分有餘秋禾九分有餘 江蘇省

二麥九分有餘秋禾八分有餘 安徽省二麥秋

禾八分有餘 江西省二麥早稻晚稻八分有餘

浙江省二麥春花九分有餘蚕絲九分早禾晚

禾九分有餘 福建省二麥九分早稻晚稻七分

湖北省二麥早稻中晚二稻八分有餘 湖南

省早稻八分有餘中晚二稻九分有餘 河南省

二麥秋禾九分有餘 山東省秋禾九分有餘

山西省二麥八分秋禾八分有餘 陝西省夏禾

八分有餘秋禾九分有餘 甘肅省夏禾秋禾八

分 四川省夏熟八分有餘秋禾九分有餘 廣

東省早禾晚禾七分 廣西省二麥早稻晚

稻七分有餘 雲南省豆麥秋禾九分有餘 貴
州省夏禾秋禾九分有餘 伊犁各屯二十八分
零 塔爾巴哈台一十八分零 喀喇沙爾各屯
一十五分至一十七分零 烏什各屯二十分零
烏嚕木齊巴里坤各營屯一十五分零 哈密
各屯一十五分至一十六分零 吐魯番各屯一
十四分至十六分零

御製河南巡撫畢沅奏甘雨普霑並麥收分數詩以誌

慰

丁未

前年豫齊歉齊輕而豫重豫蓋已洊飢

前乙巳歲山東河南均因缺雨

成災而河南則旱久連歲不登較之山東偶被偏灾者尤重至上年兩省雨水充足二麥秋禾俱獲豐稔合計收成約均在八九分以上去冬今春豫省雨澤優渥而山東則不能一律普霑是以現在麥收情形又覺豫勝於齊

齊則灾偏降

叶

昨歲胥登秋吾民受恩總冬春豫

霑膏齊乃不齊並

叶

屢接豫撫章優渥各屬統茲約報

麥收九分有餘綜覽之為欣羨此何向隅恐

節次據畢沅奏報豫

省各屬春夏以來雨水應時茲因會勘河工由省渡河而東於四月十六日起至十八日止甘雨淋漓優施雨

晝夜省城及間封衛輝歸德彰德各屬均報同日甘膏
渥沛遠近普霑不但麥粒飽紋各項雜糧俱得滋培長
養其已經刈麥之區又可翻犁播種秋穀並據彙報通省
一百八廳州縣二麥約收分數合計九分有餘日擘城
鄉市集到處歡聞糧食
充盈價日平賤等語
麥價日以賤秋田胥佈種更稱

贖迴地十之八九返

叶

上年畢沅奏豫省災區地畝

申曉諭示減利聽其迴贖畢沅辦理得宜上年節次奏
稱八月以前贖過地三十萬五百餘畝又自九月至十
月復贖過地二十六萬三千一百餘畝茲又據奏自十
一月至正月月底又贖過地四萬一千九百餘畝統計贖
過地共六十萬五千餘畝約
有十之八九覽奏為之欣慰
額手慶民蘇元氣庶復聳
惟是近山左縉念愁心孔

御製安徽巡撫書麟奏晴雨應時麥收豐稔情形詩以

誌慰

丁未

前年灾重昨偏灾

前歲安徽省各屬旱灾甚重為之預籌截留漕米賞給口糧籽種以裕民食

去年通省內惟定遠等十七州縣中有被水之處其餘各屬統計收成約有八九分亦屢經飭諭大吏加意撫恤

徽歛南瞻刻繫懷大麥收完小麥逮八分不啻九分

皆

茲據書麟奏安徽省今春多屬雨水霑足四月間晴霽旬餘大麥收割將畢得資曝曬小麥漸次黃熟早

秋插蒔已齊彌望青葱其已割大麥之田塘堰均有蓄水又各乘時翻犁播種市集糧食充盈價值平減各屬開報二麥約收七八九分不等

實為豐稔等語覽奏為之欣慰

宜賜割穗羣資曬潤雨

挿秧又正佳慶慰吾民獲蘇濟益深敬畏戒盈乖

御製署湖南巡撫舒常奏報二麥有收詩以誌慰

丁未

乙巳深憐湖北飢幸逢丙午有秋資雖然元氣豈易復

為

去聲

是農功恒繫思却喜飛章行館到報收二麥八分

披

舒常奏湖北省二麥收成數九分者十三州縣八分有餘者一縣八分者五十州縣七分有餘者二縣

七分者二州縣統計通省六十八州縣實八分有餘

更稱時若秋堪卜敢以滿期

以敬期

御製總督李世傑奏三省麥收詩以誌慰

丁未

欽定四庫全書

八司萬壽盛典
卷四十七

四

歲飲麥登早悉知

五月初據書麟奏安歲晴雨應時麥收豐稔統計通省收成約有八九分

等語江南江右報豐隨

茲據李世傑奏三江麥收成數稱江蘇省麥收九分有餘江西省亦

八分有餘糧價日見平減民人樂業披閱之餘不勝欣慰

市廛糧價日平減高下田

功普沃滋馳望能無增慰慶盟心惟有勵虔寅邇來左近炎歊熾思得甘霖渥潤之

御製湖廣總督舒常巡撫姜晟奏報早稻收成八分有

餘並請酌動倉穀運閩省備糶詩以誌慰即用楚

省二麥有收詩韻

丁未

最憐前歲楚逢飢幸遇昨年秋獲資二麥復收早稻熟

此封遂切彼疆思

五月間據舒常奏湖北省二麥收成八分有餘茲又會同姜晟奏湖北早

稻收成亦八分有餘並稱臺灣逆首尚未就擒所有軍需糧米雖浙江江西等省預備充足但恐賊匪肆擾附近郡城耕作或多曠候湖北省雨暘時若早稻豐收查得隣近水次州縣貯倉穀石共有四十餘萬公同籌酌擬動支穀二十萬石碾米一十萬石遴委道府一員為總運由江西一路運至閩省又舒常奏湖南省年底亦卜有秋即日勘案前往擬與撫臣浦霖酌議亦動穀碾米運閩以資備用各等語足見體國急公深堪慰悅隨

令交部議叙以示嘉獎

濟糧遙備軍儲用運穀茲欣奏牘披體國

如斯知政樂得人不負素心期

御製河南巡撫畢沅奏秋收九分有餘詩以誌慰

丁未

豫壤昨年已有收今春麥稔穀登秋慶稱通省九分慰

據畢沅奏豫省一百八廳州縣除歸德屬之商邱寧陵
二縣被災不計分數外其睢州永城鹿邑柘城高阜處
所及距河較遠地方仍屬有收約計收成十分者祥符
等五十二廳州縣九分有餘者杞縣等三十一州縣九
分者通許等十八州縣八分有餘者永城等五州縣合
計通省約收九分有餘豫省兩年以來連獲豐收殊深
慶仍切一隅萬姓憂夏間睢汎漫工商邱等五縣被淹
幸之一二雖據奏稱目下糧價平減民情歡悅然即此
一隅災黎深堪憫念慰勿抵愁此為君之所以難也雖
曰相資平米價莫忘獨歎墊居愁南瞻慰勿抵憂甚是

即為君難所由

御製山東巡撫長麟奏報秋成九分有餘詩以誌慰

丁未

齊郊春澤究稱偏積欠曾教緩歷年

三月間據長麟奏山東省雨澤未得

深透因即降旨將歷城等五十三州縣及衛所上年緩徵糧米并前次未經分年帶徵之項俱著緩至本年秋收後分作二年帶徵其應帶徵積年欠項亦分別展限以舒民力詳見前作命緩徵山東歷年積欠錢糧詩注

幸得尺膏霑夏月普茲碩穗熟秋田九分以計稔逢歲

茲據奏稱東省登州萊州沂州兗州濟寧臨清六府州屬大田播種較早高粱穀子長發亦極暢盛至青州武定濟南東昌泰安曹州六府屬得雨稍遲所種晚穀豆子等項亦屬野無隙地自六月以後雨暘時若其早種

高粱等項俱已豐登其晚穀黍稷等項至八月底亦可一律全收計登州沂州兗州臨清四府州屬收成約有十分清州武定濟南東昌四府屬收成約有八分合計通省收成約九分有餘較之豫省麥收雖覺少遜然秋成得此已足

萬寶胥登恩沐

天較比齊疆麥收遜慰中自哂太求全

御製署陝甘總督勒保奏報秋田八分收成詩以誌慰

丁未

邇歲甘省未報灾向連歲灾因作弊

甘省自壬寅年李侍堯奏通省秋收

九分以後連歲俱未報灾前至王亶望等每歲報灾冒賑浸蝕監糧及大加懲創後歲亦屢稔可知吏治肅清

自可仰邀
天貺也

審知亦勿罪愚民惟罪欺天之惡吏今年春

夏雨澤稀督臣先事已奏至

本年春夏之交據督臣福康安奏報甘省雨澤短少

時深厯念及五月中旬連得透雨後六
七八月賜雨均調秋成仍可望有收

後經得雨仍有

收署督臣茲陳次第被霜雹者乃偏灾緩徵借穀胥按

例各府州收雖不同合省總以八分計

因福康安勦滅臺灣逆賊令勒

保往署督印茲據奏安西一州暨所屬收成七分蘭州

平涼甘肅涼州四府并肅州直隸州所屬除被霜雹地

畝外各收成七分有餘鞏昌慶陽寧夏西寧四府并秦

州階州涇州三直隸州所屬除被雹地畝外各收成八

分有餘通省統計收成八分有餘其先經偏被雹旱補

種晚稻及霜信較早秋田微有受傷之處收成雖在五

六分以上不致成灾但秋收未免歉薄請將本年正借
錢糧及舊欠緩至來歲徵收用紓民力仍察看今冬明
春情形如有缺籽乏食之戶分別酌借倉糧以資接濟等語當即批令督屬妥辦俾受實惠額手吾

民免飢饉並飭妥辦俾受惠惠民掃逆胥實政惟盡吾

心仰

天賜

乾隆五十三年直省收成分數

直隸省二麥八分秋禾九分有餘江蘇省夏收

秋收九分有餘安徽省夏收八分有餘秋收七

分有餘 江西省二麥早稻晚稻八分有餘 浙
江省春花蚕絲九分有餘早禾九分晚禾九分有
餘 福建省二麥七分有餘早稻晚稻八分有餘

湖北省二麥八分有餘中晚二稻七分有餘

湖南省二麥八分有餘早稻中晚二稻九分有餘
河南省二麥秋禾八分有餘 山東省二麥七分
有餘秋禾九分有餘 山西省二麥七分有餘秋
禾九分有餘 陝西省二麥九分秋禾八分有餘

甘肅省夏禾秋禾八分有餘 四川省夏熟秋收
八分有餘 廣東省早禾晚禾八分有餘 廣西
省二麥七分有餘早稻晚稻八分有餘 雲南省
豆麥秋收稻穀雜糧九分有餘 貴州省夏收秋
收九分有餘 伊犁各屯一十八分至二十八分
零 塔爾巴哈臺各屯二十一分零 喀喇沙爾
各屯一十五分零 烏什各屯二十分零 烏魯
木齊巴里坤各營屯一十五分至一十八分零

吐魯番各屯一十二分至一十五分零 哈密各
屯一十五分至一十六分零

御製廣東總督孫士毅奏報春雨霑足麥收豐稔情形

詩以誌慰

戊申

東粵近隣閭賊平民氣閭

當林與文等滋事時粵東就
近多徵調兼緝捕逸匪不無

繹騷茲克逆胥已捕誅海疆
平靖彼處民氣亦可安恬矣

澤需歲惟首霖霈月終旬

據孫士毅奏粵東入春以來地土微乾旋於正月廿二
日湖州府一帶密雨淋漓自宵達旦頗為霑透至二月
初九日方始開霽二麥得此結實飽綻現已有刈獲者
可卜一例豐收至早禾俱已翻犁二月下旬即可栽插

又廣州省城及肇慶惠州嘉應各府直隸州得雨情形
遠近相同糧價日就平減覽奏深為欣慰惟北省望雨
仍不免懸切耳繼此時優霽起耕遍隰的披章寧不慰望雨此
憂頻

御製兩江總督書麟江蘇巡撫閔鶚元各報麥收分數

詩以誌慰

戊申

總督知三省撫臣悉一方安徽總督報

據書奏奏上下
江各州縣二麥

約收分數已經報到者七八九十分不等向例奏報收
成分數撫臣應各詳悉專奏茲書麟時以會勘秋錄正
在江蘇故安徽撫臣尚未奏至而總督就各屬所稟先行具奏大概耳

吳下撫臣詳

閔鶚元奏

大江以南所屬二麥已經黃熟以次登場據江寧蘇州松江常州鎮江太倉各屬稟報麥收均有九分十分不等其大江以北所屬氣候較遲二麥亦將次成熟據各屬陸續稟報亦約有八九十分等語 八九十

分獲北南中普臧

江南省以大江分南北在江以南者蘇松常鎮等府屬在江以北者淮徐

通海等府州屬其江寧楊州等府則介於中故云

同民慶逢歲益敬待秋長

御製湖北巡撫姜晟報二麥收八分餘詩以誌慰

戊申

優霑春雨夏初晴二麥正資結穗成通省八分有餘獲

諸商各價自然平

姜晟奏湖北省春夏雨暘應時四月月中旬以後幸值晴霽二麥及時刈獲

現已一律登場查核通省九分收成者六州縣八分有餘者二縣八分者五十六州縣七分有餘者二縣七分

欽定四庫全書

八旬萬壽盛典

者二州縣總計收成實在八分有餘等語際此夏收豐稔不特糧價日平而民間日用所需亦可無虞誦貴

屢綏幸繼昨年稔時若更期秋稼盈

湖北去歲豐稔茲又麥秋告稔元氣

可復況據稱省城復於五月二十六七日甘霖渥沛濕雲濃罩遠近定必均霑現在分秧蒔插之際得此應時雨澤是該省秋成更堪預卜

手額南瞻曷勝慰慰餘虔鞫敬彌生

御製江西巡撫何裕城奏二麥收成八分餘詩以誌慰

戊申

麥收南省早於北四月中旬已報登各屬都臻八九際江西省冬雪優霑春雨透足茲據何裕城奏通省產麥各屬內收成八分者二十四州縣九分者四十九廳州

縣統計收成八分有餘南省氣候和暖二麥登
場較早四月中旬已據報登洵堪欣慰
湖南較尚半

分增 昨據浦霖奏湖南省麥收分數內九分者三縣八
分有餘者十一州縣七分有餘者一縣七分者一

縣通計亦有八分然江西九分者
倍於八分則較之湖南為更優矣
青黃不接價無長

衣食之源計有憑甲子元正多卜稔
犀芳譜云元日值
甲穀賤通書以正

月上旬子日占歲事亦有甲子豐年之語故農家以元
旦逢甲子尤為歲美之徵今歲元正干支適合實兆首

禧
適逢惟幸疊欽承

御製河南巡撫畢沅報二麥收成分數詩以誌事
戊申

大河界南北收麥頓相殊南率八九上北惟四五俱
沅畢

秦豫省一百八廳州縣二麥約收分数十分者南陽
南召鄧州內鄉確山正陽新蔡光山固始九州縣九分
有餘者新野浙州西平遂平信陽羅山淮寧西華商水
項城沈邱太康扶溝許州臨潁襄城堰城長葛十八州
縣九分者鹿邑虞城夏邑鎮平桐柏汝陽上蔡光州息
縣商城十州縣八分有餘者堰師孟津宜陽登封永定
新安嵩縣唐縣泌陽裕州舞陽葉縣汝州魯山十四州
縣八分者祥符尉氏鄆陵禹州密縣商邱寧陵永城睢
州柘城洛陽郟縣陝州靈寶閿鄉盧氏十六州縣七分
有餘者杞縣通許蘭陽鄭州榮澤滎陽汜水新鄭鞏縣
浞池寶豐伊陽十二州縣七分者陳留洧川中牟儀封
廳四廳縣至河北之河內濟源孟縣溫縣臨漳武安六
縣尚六分有餘安陽林縣涉縣考城輝縣武陟六縣尚
有六分其滑縣濬縣延津封邱四縣則僅有五分湯陰
內黃汲縣新鄉獲嘉淇縣原武陽武修武九縣則僅四
分有餘南北祇距一河而豐鯁頓殊雖豐者十之七而

歉者猶十之三不能不為之軫念耳嗟哉災後民逢歲昨甫蘇元氣尚未

復洊臻嘆向隅

河北連年被旱惟昨歲始報收九分元氣尚未全復今又麥收歉薄窮黎其何

以當糴豐以濟歉補苴權急圖

前令畢沅在本省麥價半減處所採買十萬石預為

河北平糴之用今幸河迤南新麥稔收惟有糴豐濟歉急籌補救并飭地方大吏毋稍諱飾庶災民不至于失所移粟救荒救目前之急耳孟子對梁王其言良非誣然果如言行

遂能無旱乎救荒無善政思艱蒿目吾

御製陝西巡撫巴延三奏報麥收九分有餘詩以誌慰

戊申

北南風氣異秦以麥為秋六十八州縣九分餘稔收

陝省

欽定四庫全書

卷四十七

各屬最重麥收去冬濃沾雪澤春夏甘澍應時茲屆二
麥成熟之候據巴延三奏六十八廳州縣約收分數其
十分者咸寧長安高陵鄠縣渭南涇陽三原鳳翔寶雞
郿縣城固華陰十二縣九分有餘者孝義川藍田興平
耀州盤屋富平扶風岐山大荔郿陽安康白河淳化乾
州武功商州十六廳州縣九分者五郎關咸陽臨潼隴
州褒城西鄉華州潼關澄城蒲城朝邑石泉三水商南
維南鎮安十六廳州縣八分有餘者醴泉麟遊寧羗南
鄭洋縣沔縣韓城白水紫陽長武永壽山陽郿州宜君
十四州縣八分者同官鳳縣留壩畧陽平利洵陽中部
七廳縣七分有餘者汧陽郿州洛川三州 沿邊候惟冷
縣統計收成九分有餘覽奏深為欣慰 待獲報從頭
其沿邊之膚施等十九州縣地氣寒冷收
獲較遲例歸實在收成分數內題報是以
高未奏及然揆其
情形當亦相仿

西望誠欣慰戒驕慎自籌

御製浙江巡撫琅玕奏報春花蚕絲收成豐稔詩以誌

慰

戊申

麥之苗秀資雨哉麥之結實賴晴矣作繭繅絲喜晴暄

適逢其會成雙美

浙省各府俱種春麥而杭州嘉興湖州三府尤以春蠶為重茲據琅玕奏

二麥陸續刈獲春蠶亦俱繅絲其

二麥約收分數杭州

嘉興紹興溫州四府屬俱收

九分有餘寧波台州金華

嚴州四府屬俱有

九分湖州衢州處州三府俱有八分

其蠶絲收成

分數嘉興府屬九分有餘杭州湖州二府

屬俱有

九分大概春花春蠶當收成之際最宜

曝晒

幸遇天氣晴朗一律稔收可稱雙美云

源吾所廩而絲之源惟浙爾兩收胥獲九分餘額手同

民幸遇此昨知兩江報麥收

前據上下兩江督臣撫臣奏二麥收成數俱九分

有餘浙江界其南故麥收相仿更南則為閩粵當亦無殊惟日盼奏至以慰廛念而奏到畧遲耳

風氣

至浙南迤邐更南則為閩粵疆均似茲平一心企

御製署福建巡伍拉納奏雨水田禾情形詩以誌慰

戊申

兵後多凶年此語古所有臺灣雖海外省同應共受以

此恒關心為祝逢年阜春雨早報霑麥收七分富

叶閩省

天氣融和麥收較早前據護撫伍拉納奏報三月杪已屆二麥成熟之後各屬除臺灣一府尚未據報到外其內地六十州縣收成八分有餘者連江羅源寧化歸化壽寧等五縣八分者長樂福清屏南永福仙遊將樂沙

縣尤溪永安建陽崇安松溪政和邵武光澤建寧泰寧
長汀清流連城上杭武平永定福鼎直隸永春州並所
屬德化大田直隸龍岩州並所屬漳平寧洋等三十州
縣七分有餘者安溪一縣七分者閩縣侯官古田閩清
莆田晉江南安惠安同安龍溪漳浦海澄南靖長泰平
和詔安南平順昌建安甌寧浦城霞浦福安寧德等二
十四州縣合計通省麥收七分有餘該省當臺灣用兵
之後收成益為匱念茲雖未成上熟猶屬中豐仰沐
昊慈實茲復馳奏章時若利田畝禾苗愈長發蔬薯胥
深感謝茲復馳奏章時若利田畝禾苗愈長發蔬薯胥
暢茂茲又據奏時屆首夏高阜地畝因晴霽半月又在
見滋長園蔬蕃薯亦俱暢茂覽奏真堪慶幸
南瞻慶同民不禁頻額手納稼
其尚遙慎戒滿招咎

御製兩江總督書麟奏報二麥收成分數及雨水情形詩

以誌慰 戊申

約報已曾達奏書茲陳收定九分餘

前據書麟奏兩江各屬麥秋約收豐

稔情形已悉其概茲以閏鷄元入覲來京書麟兼署江蘇巡撫因循倒奏江蘇各屬實在麥收分數內十分者長洲元和吳縣吳江震澤常熟昭文崑山新陽太湖廳華亭奉賢婁縣金山上海南匯青浦武進陽湖無錫金匱江陰宜興荆溪靖江太倉州鎮洋嘉定宝山崇明等三十州縣廳九分及九分有餘者上元江寧句容溧水高淳江浦六合丹徒丹陽金壇溧陽清河高郵東臺江都甘泉興化寶應銅山海州沭陽海門廳等二十二州縣廳八分及八分有餘者山陽阜寧桃源安東鹽城泰州儀徵豐縣沛縣蕭縣碭山邳州宿遷睢寧贛榆通州

如卑泰興一十八州縣合計江蘇通省二麥收成九分
有餘其安徽省麥收實在分數書麟另摺亦稱八分有
餘是兩省二麥俱屬有收矣

更霑透雨孟仲夏可計秋登高下畝

蘇江

安徽二省於四月下旬及五月初旬節次均得透雨又
據書麟奏常州鎮江江寧一帶於五月十三十五等日
復得雨三四五寸不等現在二麥刈獲完竣早種秧苗
青蔥長發其收割少遲之處亦上緊栽種池塘溝堰積
水充盈高下田疇秋成仍卜豐稔等語批閱之下既
為農慶而予之感沐鴻貺亦覺倍切敬寅耳

民

樂自應深慶爾時和當識益競予尾批欣慰頻額手幸值

天庥敬以居

御製湖南巡撫浦霖奏報早稻收成分數詩以誌慰

戊申

欽定四庫全書

八旬萬壽盛典
卷四十七

十五

湖南七十四州縣早稻九分報獲俱溆浦華容水雖被

晚禾補種歲無虞

據浦霖奏湖南省本年雨澤充足田禾暢茂通省七十四廳州縣早稻收

成實有九分有餘內惟永綏桂東二廳縣不種早稻又溆浦華容等縣因五六月間雨多湖河水溢低田間有被淹之處現在已將涸出者補種晚禾雜糧俟中晚二稻收成時再加確查等語築場納稼農

家慶價減市平民氣娛却繾北隣昏墊者未成災處似

茲乎

又據奏湖南省城現在早稻業已刈獲中稻即可

以次登場其餘各府州屬築場納稼雖畧有後先總不出七月之內高原下隰實屬一律豐稔六月分各處米價較之五月分又復遞減轉瞬新糧入市時價自益平賤覽奏為之欣慰惟謹念湖北省除荊州被水成災地方外其各屬亦有被水及未被水之分其秋成能

似此普獲豐稔否尚未據
奏到佇盼馳章以慰厘注

御製直隸總督劉綏奏報通省秋收九分有餘詩以誌

慰
戊申

常年關外勝關內今歲內收較外勝下隲高原各例異

截長補短九分稱

直隸春夏之交永平遵化二屬得雨較優迨四月二十以後順天保定正

定河間天津宣化順德等府及易州等各直隸州所屬均亦次第獲沛甘霖禾苗長發惟廣平大名二府於六月初旬始得霑透然此後雨暘時若早晚未豫亦皆暢茂秀實茲屆成熟之期據劉綏奏永平保定河間天津正定遵化易州趙州深州定州十府州屬均約收九分有餘順天承德宣化冀州四府州屬均約收八分有餘

順德大名二府屬并口北道所屬之張家口獨石口二廳均約收七分有餘廣平府屬約收七分合計通省秋收約九分有餘等語各屬雖有得雨較遲之所亦幸有秋截長補短尚獲上豐實屬仰蒙

吳貺欣慰之餘

益增
乾惕幸茲宵旰愁而得益用惕乾默以增披覽奏章信

云慰慰隣驕矣戒猶仍

御製山東巡撫長麟奏報通省收成九分有餘詩以誌

慰
戊申

山東春旱麥非穰入夏以來若雨暘梁下黍高胥稔獲

幸斯
秋收補彼
早春足灾償

山東去歲豐收冬雪又渥是以今春種麥頗廣不謂歷城等五

十四州縣春澤愆期麥收歉薄幸自入夏以來得有透雨大田一律普種嗣後暄潤得宜各屬田苗無不暢茂茲據長麟奏高粱黍穀業已登場晚禾雜糧亦于八月內俱可收穫約計秋收分數泰安東昌沂州登州四府臨清濟寧二直隸州屬俱有十分萊州濟南兗州三府屬俱九分有餘武定府屬約有九分青州曹州二府屬俱八分有餘合計通省約共九分有餘等語欣茲秋稔春歉可償覽奏深為農慶價平自是娛黔

赤穀賤應教計蓋藏慰以為慙點忖處祈年外政鮮奇方

御製浙江巡撫琅玕奏報早禾收成分數詩以誌慰
南方所重稻禾亦佐民餐况復收之早分成九以寬

琅玕

玕奏浙省除杭州府屬之海寧仁和海錢塘三州縣及嘉興湖州二府屬向不種植早禾其餘各縣並玉環一廳本年入夏以來雨澤調勻所種早禾均屬暢茂茲查明約收成數杭州府屬之富陽等六縣寧波紹興溫州三府屬約九分有餘台州金華二府屬約有九分嚴州處州二府屬約八分有餘衢州屬約八分內惟遂安淳安開化西安四縣各僅七分有餘而被水涸出之處不過通省一隅補種雜糧尚可一律有秋統計通省早禾收成共有九分民間糧價本自平減

早禾又即登場民情更為寧謐

築場齊納後

謂粳稻及雜糧

比戶可期安豈不為之慰繼思保泰難

御製署河南巡撫梁肯堂奏報通省收成八分有餘詩

以誌慰

戊申

八分亦可稱中稔春旱深虞此望無所幸夏霖霽雨吟

因逢秋熟慶農夫

豫省本年彰德衛輝懷慶三府春雨未能霑透時切綢繆嗣於夏間甘霖

大需農民均即趕種茲據署撫梁肯堂奏稱現屆秋成三府所屬一律有收所有一百八廳州縣內約收十分者光山固始二縣九分以上者新安等二十六州縣八分以上者祥符等四十五廳州縣七分以上者通許等二十八縣六分以上者林縣等七縣通計約收八分有餘等語迴憶春間深慮未能得此秋穫幸稱中稔既慰益勵
截長補短合省計九遜七饒報歲輸穀獲價平民

氣豫慰哉惟與敬為俱

御製湖北巡撫惠齡奏報通省早稻收成七分及糧價

情形詩以誌慰

戊申

江陵逢重災餘屬亦行潦嗟嗟吾赤子惻痠切在抱

叶

茲覽撫臣奏各府收早稻截長以補短仍得七分報

北湖

以本年五六月內大雨時行伏汛盛漲不獨江陵水勢漫溢其附近內江外河各屬低窪田畝多被淹浸然高阜處所均屬有收茲據惠齒奏通省六十八州縣除應山等六縣向來不產早稻其餘州縣據報九分有餘者二一州九分者四縣八分者四十八州縣七分有餘者二縣七分者七縣合計通省早稻收成共七分有餘現在市價中平等語是各屬雖有偏災而早稻尚屬中稔足資接濟况又據稱江水漸落雨暘應時中晚二稻瞬即陸續登場問問生計益當充裕覽奏為之稍慰

麥收早獲豐市價中平校佇待

中晚收仍可平減糶南望稱稍慰慰豈勝慙悼

御製上下江巡撫各報收成分數詩以誌事

戊申

兩江各報收成數

去聲

上乃七分下九分

前因書麟奏兩江地方刈獲中

晚二未情形未經分晰叙明因傳諭閔鶚元等將各該處收成分數確查速奏以慰厯念茲據陳用敷奏安徽通省合計收成七分有餘閔鶚元近北因教潦水被安徽奏江蘇通省合計收成九分有餘江北因教潦水被安徽沿江濱湖州縣既已水勢漲發間被淹浸收成未能豐稔至江蘇淮北一帶亦因六七月間雨水較多河湖盛漲並有開放閘壩之水下注以致淮安徐州海州三屬窪下地畝被淹是以收成亦覺稍歉遠南欣

得稔秋間

其蘇州松江常州太倉四府州屬則收成十分揚州鎮江二府屬則收成九分有餘實堪

慰放界隣幸可通融濟轉壑實無飢饉又據閩鄂元奏

地方其退涸較遲未能一律豐收之區合通省而計不

過百分中之三四分而各處麥收俱稔商販通融糧價

尚屬平賤仍恐向隅有獨嘆緩徵喻吏撫綏勤淮北瀕臨河

積歉之後今歲被水田畝殊堪軫念即降旨令將蕭縣

碭山豐縣沛縣安東清河桃源海州江寧上元句容江

浦六合十三州縣新舊錢糧漕米概予緩徵其山陽鹽

城阜寧三縣雖有薄收而新舊錢糧並徵亦未免拮据

並令將舊欠緩至明年秋成後徵收以紓民力俾免向隅之嘆

御製署山西巡撫海寧奏通省秋收八分有餘詩以誌

慰戊申

八分餘獲稔之中春澤北遲欠普豐

海寧奏晉省秋禾約收分數秦谷等

十九州縣約九分有餘陽曲等二十三州縣約九分秦原等八縣約八分有餘榆次等三十四廳州縣約八分祈縣等約八廳州縣約七分有餘石樓等九州縣約七分豐鎮等三廳縣約六分有餘汾陽等六州縣約五分有餘合計通省約收八分有餘等語晉省各屬本年雨暘時若大田均慶有收惟大同府屬春間得雨稍遲未獲普豐然總計通省八分有餘尚稱中稔却已閭閻饑饉幸教場圃致盈

充更欣秋雨隰原渥爭播甫田麴麥同奚藉重申餘九諭由來知儉是唐風

御製陝西巡撫巴延三奏報秋禾雨澤及約收分數詩

以誌慰

戊申

各數足秋雨收成約八分

前據巴延三奏陝省入秋以來雨水霑足茲又奏稱八月

初十一日密雨連朝所種穀糜及各色雜糧正當結實之際得此雨澤顆粒益加飽滿其各屬約收分數九分有餘者墊屋等七州縣九分者紫陽等八縣八分有餘者孝義二十四廳州縣八分者富平等十五州縣七分有餘者鄠縣等十五廳州縣七分者咸寧等十廳州縣六分有餘者甘泉等四州縣六分者醴泉等四州縣統計八十七廳州縣秋禾約收八分等語邇日正屆築場納稼之時豐盈有慶民情欣悅可知

心慰實為

去聲

萬民欣盜賊自當鮮

足衣食則鮮盜賊

蓋藏仍合

勤更希冬雪渥宿麥利耕耘

御製湖南巡撫浦霖報中晚稻通省收成九分有餘詩

以誌慰

戊申

湖南六州縣被水祇低田涸地補種遍高區仍獲全九

分餘計省

浦霖奏報湖南通省七十四廳州縣內除淑浦華容安鄉澧州武陵龍陽六州縣因夏間

雨多低田有被淹之處水涸後補種晚禾雜糧現在逐加確勘外其餘各屬及淑浦等六州縣境內未經被水之田中晚二稻均已登場收成九分有餘者三十廳州縣九分者三十六廳州縣八分有餘者四縣八分者四縣通省計有萬姓幸逢年南望能無慰念其北益憐

九分等語

御製湖北巡撫惠齡奏通省中晚二稻收成七分有餘

並積水消退糧價平減詩以誌慰

戊申

湖北今年重沴行恫瘝赤子肝宵縈謂將何以度冬月

不料猶稱獲七成

湖北省因夏季雨水較多伏汛盛漲以致沿江傍湖低田多被淹浸前據

惠齡奏該省早稻收成尚有七分茲復據奏所有勘不成災地方及未曾被水各屬民屯田合計通省六十八州縣併算中晚二稻收成共七分有餘現在市販充裕價值中平所有武昌鄖陽施南各府屬及蒲圻等三縣並較上月稍減等語是實仰蒙

昊貺誠始念不及此也

通省計雖稍意慰一隅

嘆尚切心忤漲消宿麥勸耕普

又據惠麟奏稱被水田地間有涸退稍遲之處

雖未及補種雜糧正可乘此翻犁佈種二麥其未經翻種處所一律借給資本俾令及早種麥以待春收

起

籲春秋救萬氓

御製護理福建巡撫印務伊轍布奏報雨水收成分數

詩以誌慰

戊申

寅亮誠憐舊督賢

李侍堯歷任總督素稱能事上年因剿捕臺灣逆匪調任閩浙駐劄厦門

辦理軍儲一切俱能迅速周妥隨即加恩賞還伯爵以示寵眷詎意春間以肩背生瘡遂爾溘逝深為憐惜

撫臣海外未言旋

福建巡撫徐嗣曾上年渡臺灣經理糧餉事務既大功告藏所有善後事

宜雖經福康安於回京以前俱已立定章程然臺灣甫經平定不可無大員在彼安輯撫綏據奏年前可旋省而此時則尚未內渡也

即真新簡方登道

前因李侍堯病勢未能即痊已命福康安馳往

欽定四庫全書

八旬萬壽盛典
卷四十七

五

暫行署任嗣得李侍堯之信因念海疆甫定非簡用重臣不可而福康安成名已著即令補授閩浙總督實於地方有裨但登途未及護理因之得奏箋藩司伊轍布現任護理撫

一月計程尚未至彼耳
篆地方事務 禾稻秋收八分上原田雨澤七閩全伊轍布奏

福建省自九月十二三日以後連次得雨各屬亦俱霑渥並奏報收成數九分有餘者屏南等十三縣八分者順昌等三十一州縣七分者福清等四縣核計通省實在八分有餘糧價平 總戎安渡鹿仔港乃繫芑桑釋遠

減民情深為恬適

牽七月間命奎林往代普吉保為臺灣鎮總兵已經數月總未得接到任之信為之繼念不置茲據伊轍布奏奎林初次放洋後將抵鹿仔港被風吹回在永定澳登岸由陸路赴崇武澳守風嗣於十月初九日放洋十

一日已抵鹿仔港登岸等語渡海守風亦事之常但奎林不即據實奏聞以慰厯懷殊屬不曉事體今得確信且慰且飭之

御製署陝甘總督勒保奏甘肅收成八分有餘詩以誌

慰
戊申

弊行每歲報灾被弊去連年遇稔頻

甘省因王亶望等冒賑侵蝕監糧是

以每歲虛報灾以市利及大加懲治之後據厯任督臣李侍堯福康安奏報屢歲

稱豐

惟以實

陳飭諸吏弗因追賦問於民

冒賑開捐弊固在官而厯年免徵民亦陰沾其

利然予止懲貪官之罪而弗忍追問貧民此治民之要也

中豐固幸安老幼偏歎仍

欽定四庫全書

八旬萬壽盛典
卷四十七

二十三

教賑弱貧正值督臣同閱奏慰中增惕我君臣

茲據署督臣勒

保奏甘省秋禾統計收成八分有餘雖有偏被雹旱之
平涼華亭武威平番莊浪皋蘭金縣狄道八州縣及被
水之平羅縣屬以收成稍歉請將本年應撥正借錢糧
及舊欠銀糧草束緩至來歲徵收以紓民力然數處秋
收尚在五六分以上不致成災而通省俱獲中豐實堪
慶幸茲督臣福康安自臺灣成功來京留之尚未赴任
同閱此奏自
深欣慰也

八旬萬壽盛典卷四十七

欽定四庫全書

八旬萬壽盛典卷四十八

盛事 二十四 收成分數三

乾隆五十四年直省收成分數

直隸省二麥八分有餘秋禾八分 江蘇省二麥

九分有餘秋禾八分有餘 安徽省二麥八分有

餘秋禾七分有餘 江西省二麥早稻晚稻八分

有餘 浙江省春花蠶絲早禾晚禾九分有餘

福建省二麥早稻七分有餘晚稻八分有餘 湖
北省二麥早稻晚稻八分餘 湖南省二麥八分
早稻九分有餘中晚二稻九分 河南省二麥九
分秋禾八分 山東省二麥十分秋禾九分有餘
山西省二麥秋禾九分有餘 陝西省二麥秋禾
八分有餘 甘肅省夏禾秋禾九分 四川省夏
熟八分有餘秋禾九分有餘 廣東省夏禾八分
有餘秋禾九分 廣西省二麥早稻晚稻七分有

餘 雲南省豆麥秋收稻穀雜糧九分有餘 貴
州省夏收秋禾九分有餘 伊犁各屯二十八分
至二十九分零 塔爾巴哈台各屯一十五分零
喀喇沙爾各屯一十三分至一十五分零 烏
什各屯二十分零 烏魯木齊巴里坤各營屯一
十五分零 吐魯番各屯一十二分至一十五分
零 哈密各屯一十五分至一十六分零

御製河南巡撫梁肯堂奏報二麥約收八分有餘詩以

誌慰 已酉

正續河南雨澤稀寄詢臨勘切民依

昨據梁肯堂四月十八日奏報豫省

雨澤仍係三月下旬情形方以此間四月十二三之雨已及直隸山東而豫省未得均霑為念豫省河北三府屢年歉收今春雨膏更殷盼望因命阿桂赴楚之便會同該撫留心查勘據實以聞今日該撫報收成八分餘為之欣慰欣披各屬以時報約過八分致旱非據秦豫省一稍慰二麥約收分數十分者祥符等四州縣九分有餘者滎陽等七州縣九分者杞縣等二十八縣八分有餘者陳留等二十四州縣八分者通許等四十五縣州縣合計通省收成約八分有餘等語豫省最重麥收茲仍得八分有餘尚屬中稔數日塵旱之懷因為稍慰然尚俟阿桂查勘實信耳

夙識麥秋重豫省

流通水路達京畿

運河自臨清以北惟藉豫省之衛水濟運今歲河北三府不致缺雨故衛

水充盈糧艘迅速抵通而京師麥價亦可望其日減矣

萬方衣食一心計忍不孜

孜慎勅幾

御製浙江布政使顧學潮報春花蠶絲收成豐稔詩以

誌慰已酉

田協霑膏蠶協晴九分兩得報收成

顧學潮奏浙江各屬春雨霑足大麥

陸續登場小麥亦俱結實飽綻春花蠶漸次成熟現據查明各府州縣春花蠶絲收成數杭州嘉興寧波紹興溫州五府屬二麥約九分有餘湖州金華嚴州處州四府屬二麥約有九分台州衢州二府二麥約八分有餘

欽定四庫全書

卷四十八

統計通省二麥收成九分杭州嘉興二府屬蠶絲收成
九分有餘湖州府屬蠶絲收成九分統計蠶絲收成亦
九分有餘田功需澤蠶事需晴茲
幸晴雨各協並獲豐收實堪慰慶
足衣資食酬民願

食宵衣慰我情護撫司藩合申奏

巡撫琅玕入覲顧學
潮護理撫篆收成分

數例得
陳奏

慎微戒滿益盟誠封章南北多吉語

昨據福康
安奏安南

阮惠進表乞降茲又據阿桂顧學潮奏河南浙江豐
收情形吉語駢臻洵屬大順欣慰之下敬畏益深

自

問何修幸畏并

御製江西巡撫何裕城安徽巡撫陳用敷各奏報麥收

分數詩以誌慰 己酉

南暖北涼氣候然麥收南早北遲延八分同得殊報日

安徽巡撫陳用敷江西巡撫何裕城同時奏到通省二
麥約收分數俱八分有餘及披閱拜摺日期江西係四
月十六日具奏安徽係四月廿六日具奏自係南北氣
候涼暖各殊故收成遲早亦異而江西在南故到遲安
徽在北故到速其計里殊行同有年餅餌可期價減市
為有年固無殊也

黍禾更喜茂連阡偏災兩省昨歲被

去秋江西安徽沿
江濱湖州縣俱以

水勢漲蕞間有偏災茲幸兩省胥
獲稔收感謝

昊恩倍增虔惕

幸接青黃慰謝虔

御製山東巡撫長麟奏報二麥收成十分詩以誌慰

己酉

從來收麥計其分八九分登已足欣何幸青齊稱十獲

誠為厯載未前聞

長麟秦山東二麥約收分數通省十府二直隸州內濟南東昌武定青州

曹州等府屬之沙地泰安沂州登州萊州等府屬之山坡地收成九分有餘者餘地畝俱十分有餘兗州臨清濟寧等府州屬之沿河窪地收成九分其餘地畝俱十分有餘合計通省約有十分實為數年內所僅見等語東省昨歲秋田已屬豐收而今年麥秋更逢上稔感蒙鴻貺莫可名言惟有諄勉該撫共勵敬勤以冀仰

答

天庥耳

秋田昨歲况逢稔夏稼今年又遍耘慶慰之餘

無別諭囑諄戒滿敬加勤

御製湖北巡撫惠齡奏麥收分數及雨水情形詩以誌

慰
己酉

水過涸田廣種麥是為最要接青黃九贏牽以八猶賸

接短因之補厥長

楚北地方向來種麥本廣上年被水之後涸出田畝補種二麥較往歲更多

多茲據惠齡奏麥收分數九分有餘者三縣九分者三十五州縣八分有餘者六縣八分者二十四州縣牽計通省六十八州縣收成雖不足九分而已八分有餘小民正值插秧之時獲此接濟口食有資益得服勤農事歡懋倍

更喜宜晴麴刈穗時沾佳霽稻分秋

又據稱該省自三月

越尋常中旬以來每旬均得透雨一二次交夏後晴霽經旬二麥得以及時刈獲現在稻秧已漸蒔竣所有池塘陂堰

均有蓄水足資長養此間苗秀殊常好望雨正需資灌漿

此間自四月十

二以前屢得透雨二麥極為茂惟日內正在麥穗灌漿時並望沛澤將來麥收或可致九十分若再五日不

欽定四庫全書

卷四十八

八
卷四十八

雨則可惜祇成

七八分而已

御製直隸總督劉莪奏報二麥約收分數詩以誌慰

己酉

直隸近山左麥收報反遲蓋因南北候故異後先期

直隸

近畿劉莪奏報二麥約收分數轉在
山左之後
自因南北涼暖異候故收成遲早各殊之耳

十欠漫

生惜八餘亦可怡

直隸入春以來雨澤優渥二麥無不
暢茂茲將各屬成熟之期據奏約收

分數九分有餘者大名一府九分者順德廣平趙州八
分有餘者順天保定永平遵化易州深州六府八分者
正定天津承德冀州定州五府州七分有餘者河間一
府六分有餘者宣化一府率計通省麥收約八分有餘
雖不及山左之報有十分
分亦尚可稱中稔矣

自憐還自解究欠足之知

御製陝西巡撫已延三奏報麥收分數詩以誌事 己酉

陝以麥為重八分報有餘 已延三奏陝省六十八廳州縣二麥約收分數內十分者

三縣九分有餘者十一廳州縣九分者十二廳州縣八分有餘者二十四廳州縣八分者十州縣七分有餘者七縣七分者一廳統計共八分有餘陝省各屬多以麥收為重今歲自春徂夏甘霽應時現在將次登場可得中稔閭閻衣食既足盜賊自春霑雨足入夏穫秋如衣自清批覽之餘洵堪慶慰

食民誠裕村莊盜自疎正供依限納贖欠命全除 又據秦陝

西應征錢糧通完一摺內稱五十三年額征錢糧華州均已全完帶征緩征各項亦皆納期完納惟潼關華州華陰等處尚有未完緩征銀三千一百六十三兩零未完耗羨銀四百七十四兩零並潼關未完緩征糧一百

二十二石零現在照例帶征該省近年稔收小民踴躍輸將殊屬急公可嘉因即降旨將未完各項加恩全行豁免俾小民普無逋欠得免追呼以副惠愛黎元有加無己之意

御製湖南巡撫浦霖奏二麥收成八分詩以誌事 己酉

湖南土性別與麥不相宜種植每勤勸青黃頗借資

浦霖

奏湖南地土多不宜麥向來種麥之處止有二十四州縣自後茶陵等五州縣間種二麥本年又勸諭武陵華容二縣亦令試種茲現陸續登場合計三十一屬麥八收實有八分當此青黃不接之際於民食頗資接濟八分中稔報卅屬萬民怡近遠及遲早一心十二時

御製河南巡撫梁肯堂報二麥收成九分並雨暘時若

詩以誌慰己酉

迤北伊南夏收定絜長補短九分餘

河南巡撫梁肯堂奏二麥實在收成

分數開封歸德彰德衛輝四府及汝陝二州所屬州縣皆八分有餘懷慶河南南陽汝寧陳州五府及許光二州所屬州縣皆九分有餘合計通省二麥實有九分等語宜暘麪麥迴青免足雨黍

禾助長

上聲如初又奏稱據開封等九府四州稟報於五月初八九暨十四十八十九并二十二二十一

二等日各得雨自一二寸至六七寸及深透不等早禾得此霽澤滋培倍見暢茂晚田亦俱及時播種此時二麥早已登場足稱豐稔糧價平減聞之殊堪欣慰何幸其逢遙慶彼略嫌將過

近塵予

京畿春雨優渥自四月十二日以後晴霽逾月望澤正殷五月廿四日喜得甘霽旋即放晴于

未收之麥及禾黍益滋飽滿生發日來積陰雨勢綿密未止又恐過多於已收之麥有礙晒曝未免為之屢念

耳三朝間頓殊愁喜

昨北至還宮齋戒憑輿歷覽已收之麥既得晴霽晒曝弗慮發芽未

熟之麥及大田得霑時雨更資充實芄茂實為欣喜今日又逢綿雨恐致過多三日間愁喜頓殊信乎為君之

難也可識君難直筆書

御製四川總督李世傑奏報麥收八分餘及雨水情形

詩以誌慰 己酉

川省年年幸屢綏向稱湖廣尚過之

向稱湖廣熟天下足而四川近年以

來屢獲豐稔產米尤多下游之江廣各省咸資轉運接濟不啻過之

麥薶秋報八分稔黍

稻雨經一尺滋

茲據李世傑奏川省二麥播種早者三月內即經結實其次于四月間均各黃

熟秧計九分者順慶叙州潼川嘉定四府達州忠州二直隸州叙永一廳八分有餘者成都重慶夔州龍安寧遠保寧六府眉州邛州資州綿州茂州酉陽六直隸州石砫一廳八分者雅州府瀘州直隸州及理番廳合計通省麥收實八分有餘又四月十七八九及二十二三四等日各屬普得甘雨入土深透現在早種禾苗已經長發餘亦栽種齊全彌可望農功符築納自然民氣叶望青蔥民氣歡暢等語

熙怡盜風息內番馴外

從前川省囑嚕賊匪最為民間之害自大加懲創以來地方官

俱知實力緝辦有犯必懲近年閭閻安靖盜風久息其沿邊各土司番夷等自大小金川平定後輸誠向化共享太平民生其間實為樂土也

樂土蒼生愜綏思

御製雲南巡撫譚尚忠奏報秋禾收成九分餘詩以誌

慰已酉

滇黔雖極遠有社稷民人黔既奏豐遇

昨貴州護撫布政司汪新奏貴

州通省秋收九分有餘

滇隨欣稔陳

前譚尚忠奏雲南省自八月初旬以來晴多雨少暄潤得

宜秋禾顆粒益臻飽滿現屆成熟之際據各屬所報收成分數八九十分不等約計通省總在九分以上等語

風淳政簡處灾少獲多辰深幸邊氓福慰餘增惕寅

御製江蘇巡撫閔鶚元奏報麥收九分有餘詩以誌事

已酉

遠方前奏近翻後則以詢查轉致遲

湖南湖北浙江江西等省麥收分數

早已奏到江南省道近轉遲因閩鄂元前奏僅分江南江北而於總散數目均未聲叙明晰因傳旨查詢今日

始據江北江南稔概矣分多分少數去聲牽之

前據閩鄂元覆奏大

江南北二麥收成十分者長洲元和等二十四州縣應收成九分有餘者潭水丹徒等九縣收成九分者上元

江寧等二十七州縣應合計九仍餘也誠民幸黃寶接

通省麥收九分有餘等語

今歲各省奏報麥收率在八分以上

戒盈慎

滿益夔夔

御製山西巡撫海寧奏麥收九分有餘並雨水情形詩

以誌慰 己酉

甘霖通省遍二麥九分收

據海寧秦晉省麥收分數臨汾等八州縣約收十分有餘

榆次等三十一州縣約收十分陽曲等十九州縣約九分有餘襄垣等二十四州縣約收八分懷仁等四縣約收七分有餘歸化等四縣約收七分合計通省麥收共九分有餘又據秦山西省城於閏五月初四初七等日兩次得雨入土深透並據九府十直隸州所屬州縣及歸綏道所屬各廳陸續報到同于此兩日內得雨自四五六寸至深透不等該省麥收既已豐稔而秋田更獲甘膏農民歡忭覽奏深為慶慰

目下青黃

接田中禾黍稠三秋時尚遠四輔語權休

近據各省奏報多稱大田

可望豐收或之在滿祇益增惕耳

不獨晉省爾寰區謙摯求

御製山東巡撫長麟奏報收成九分有餘詩以誌慰

己酉

北省雖然賴麥秋大田究以重秋收曰暘曰雨慶時若

我黍我禾胥獲稠

長麟奏本年東省地方霽雨優霑時暘應候各處秋田無不乘時普種雖

間有低窪地畝因雨水連綿不無稍減分數而高阜平衍之區均屬一律暢茂倍極豐蔚現在高粱早穀業已次第刈穫豆子晚穀棉花黍稷等項亦皆累累秀實俱為稔足據各屬稟報約收分數濟南武定青州萊州四府屬均有十分兗州東昌曹州登州四府屬均九分有餘泰安沂州濟寧臨清四府州屬約八分有餘合計通省收成約九分有餘等語東省今春麥收已獲上各屬稔茲秋收又復九分有餘披覽之下深為欣慰

竿稱九分賸一心慰解萬民愁守謹戒滿盟恒念廣為

去聲
寰中願更悠

御製河南巡撫梁肯堂江西巡撫何裕城各奏報秋收

八分有餘詩以誌慰

已酉

發奏不同到日同是因近遠速遲通

江西河南各報秋收分數江西以六

月二十日發摺河南以七月十二日發摺道有遠近是以同日奏到

西江自以稻為重北

豫斯稱禾實充各屬雖然非一致八分總可號中豐

何裕

城奏江西早稻收成分數八分者四十七縣州縣九分者三十二縣州縣合計通省八分有餘梁肯堂奏河南秋禾約收分數九分者十四縣州縣八分以上及八分者五十九州縣七分及以上及七分者三十五州縣合計

通省約亦八分有餘兩省俱獲中豐可為農民慶慰

南瞻豈不共民慶戒滿正殷

益惕衷

御製直隸總督劉戡奏報秋禾收成八分詩以誌慰

酉已

今年多稼本期豐秋雨失暄粒未充

春夏間直隸雨澤優霑禾黍均資茂

暢原可期普獲豐收至交秋後雨水乃多顆粒未能飽

綻致減分數茲據劉戡奏永平等五州府約收八分有餘順天等九府州廳約收八分河間五府州縣約收七分有餘通計合屬約收共有八分等語是猶可稱中稔

也深惜十將二分減致看禾與黍胥同雖然尚可稱中

稔未敢因之滿一畧低處究憐遭漫溢

劉戡並奏地形低窪之處間有

被淹浸者因命詳查飭屬頻煩申諭恤民窮
妥為撫恤毋致一夫失所

御製湖南巡撫浦霖奏報早稻收成九分有餘詩以誌

慰
己酉

昨歲即稱豐今春麥登稔茲值早稻收復九分餘審

浦霖

奏湖南通省早稻收成分數計七十四廳州縣內除永
綏桂東二廳不種早稻外其餘收成九分有餘者二十
六廳州縣九分者三十一廳州縣八分有餘者十縣八
分者五州縣合計通省實共九分有餘現在糧價平減
民情悅豫等語該省去歲秋收九分有餘今夏麥秋
收成亦有八分茲又報稱上稔實屬屢豐優於他省何

幸湖之南綏屢霑

思甚亦不惟此方各省奏章品雨暘率以時熟多鮮災

侵

叶今歲各省秋收分數俱約在九分上下間有被水之處山東惟蒙陰一縣江蘇惟睢寧等七州縣安

徽惟泗州昭二州縣河南惟永城等四縣直隸則清苑等四十餘州縣多因瀕河低窪至被淹浸遂成偏災然統計各省州縣不及二十分之一已即遇此實厚幸持

盈益增凜

御製陝甘總督勒保奏報夏禾收成九分詩以誌慰

己酉

去歲八分今九分偏災更幸畧無聞

去歲甘省秋成八分有餘其偏被雹

旱之平涼等州及被水之平羅縣屬即經降旨將應徵正借錢糧及舊欠錢糧草束槩予緩徵以紓民力茲據

該督勒保奏甘省今年雨暘應時田禾暢茂夏禾現已
登場計鞏昌等五府州收九分有餘蘭州等三府州收
九分慶陽等五府州收八分有餘合計通省共收九分
現在雨水調勻秋禾可期豐稔等語是分數既優于去
年而更無偏灾待恤之處實為該省閭閻額慶閭閻誠慶衣食足老幼兼辭賑
恤勤地瘠民貧處稍救賦徵租納政休紛西瞻額手仍
申祝綏屢惟希意篤殷

御製廣東督撫福康安圖薩布報早稻收成八分有餘

詩以誌慰

己酉

七閩春雨微愁短東粵隣疆並

去聲

繫情九十屬州茲合

計八分餘稻報收成

福康安圖薩布奏廣東早稻收成
分數內九分者四州縣八分有餘

者一十六廳州縣八分者五十四州縣七分有餘者十
一州縣七分者六州縣合計通省收成八分有餘現在

中晚稻亦俱發生暢茂此後
雨澤應時秋收可並期豐稔夏秋為澤設時若中晚之

登更冀羸擘奏囊能勿稱慰慰哉益畏慎持盈

御製山西巡撫海寧奏通省秋收九分有餘詩以誌慰

疊去歲韻 己酉

各省收成忖度中欣瞻三晉報登豐較于去歲分增一

晉省去歲秋收止八分有餘茲據海寧奏今歲秋禾約
收分數內十分者榆次等二十七州縣九分有餘者陽

曲等三十四廳州縣九分者浮山等二十二州縣八分
有餘者吉州等四州縣七分有餘者奇嵐等十三廳州
縣七分者右玉等十廳縣合計通省約
收九分有餘以去歲較之庶稱上稔

實幸吾民氣自

充知節儉方勿慮別計三九處定能同憐他好樂毋荒

戒蟋蟀三章紀國風

御製四川總督李世傑奏報早晚收成九分以外詩以

誌慰 己酉

從來鮮遇偏灾處今歲收成贏九分早稻已登晚禾實

夜霖常渥晝晴欣

李世傑奏川省早稻于六月間收穫
大半至七月初旬已一律收齊其晚

稻雜糧八月望前普可登場約計收成在九分以外且
喜常得霽雨多在夜間而日間大半晴霽是刈割更得
及時民情
極為悅豫
淘塘高下為蓄計潞水冬春備灌勤
又據秦該省雨
水調勻不特田禾結實飽滿農民並深淘塘堰廣為潞
蓄以備冬春灌溉之用似此彈力田疇逢登慮歉宜獲
盈寧之
報矣
似此逢豐預慮歉良農辛苦悵披聞

御製湖南巡撫浦霖奏報中晚二稻收成九分詩以誌

慰
己酉

早稻已曾九分獲今稱中晚亦如斯

前據浦霖奏湖省早稻收成九分有

餘已有詩誌慰茲復奏中晚二稻接續登場計收成九分有餘者三十三廳州縣九分者二十五廳州縣八分

有餘者二十州縣八分者六縣合計通省實有九分該
省連歲稔收積貯本屬充盈今歲又逢三稻豐穰民苗
樂業覽秦手加額慶何修遇目與心馳幸不期富以教
益深欣慶

之言且置滿招謙受理應思秋霖更報渥蔭蔭菜

又據秦該省秋

日晴爽收歛甫畢於八月十七八九等日省城密雨優
渥並據各府州報晴雨均調得以及時趕種冬蔭油菜
農民無不歡悅南望誠欣誠畏寅

御製陝西巡撫秦承恩奏報秋禾收成八分有餘詩以

誌慰 己酉

西秦邇歲多逢熟二麥獲收早奏聞

夏間據前任巡撫
已延三奏報二麥

收成八分有餘
茲報八分登禾黍
前據秦承恩奏該省入秋以後雨澤均霑田禾豐稔現在

查核約收分數十分者五郎等一十廳縣九分有餘者臨潼等十州縣九分者孝義等二十七廳州縣七分有餘者靖邊等三州縣七分者保安等二縣統計八十七廳州縣約收八分有餘等語是該省夏秋俱稱中稔堪為農
可稱中稔副耕耘三農幸已酬辛苦一己能無生

慰欣旋慮慰欣近驕泰益增儆戒勗憂勤

御製湖北巡撫惠齡奏中晚二稻收成八分餘詩以誌

慰
已酉

南報九分北八分

惠齡奏湖北通省六十八州縣內除江陵監利潛江荊門四州縣被水田

地不計外其餘各屬中晚二稻收成九分有餘者一縣
九分者七州縣八分有餘者四州縣八分者四十九州
縣七分者七州縣合計共得八分有餘等語是該省
雖較之湖南九分有餘者少減而亦可稱中稔矣既

為惜矣亦為欣豈能各省副綏屢亦號中豐答稿勤一

二偏災仍賑恤

前據畢沅等奏六月內因漢江上游暴漲致逼近漢水之潛江荊門等四州縣

倒灌受淹分別撫恤緩借現飭該管道府詳細確勘已即批令撫恤之處妥速為之俾受實惠叮嚀諸

吏共懇懃更稱和暖平糴價庶復閭閻元氣間

御製江蘇巡撫閔鶚元奏報秋禾收成八分餘詩以誌

慰
己酉

蘇撫今朝達奏書展觀慰惜並殷予

閏鵝元秦江蘇省夏秋雨澤霑足江

南俱臻上稔惟江北之淮西徐州海州三府屬雨水稍多河流盛漲田禾間有淹浸覽奏為之慰惜交至江

陰稔自常連鎮河潦灾侵淮與徐

據奏各屬秋禾收成分數松江太倉二府

州總各八分蘇州常州二府總各九分有餘鎮江府總計九分有餘淮安府總計六分有餘徐州府總計九分有餘合計通省收成八分有餘等語該省總計猶稱中稔雖豐歉不齊而有無相濟歉收各屬或不致有失所之歎北豐南通省計截長補短八分餘有無鄰郡相通

藉溝壑吾民庶免諸

御製貴州布政使汪新奏報秋成九分有餘詩以誌慰

己酉

黔撫掄才調廣東旬宣護理奏牋通

貴州巡撫郭世勳於六月間調任廣

東其新任巡撫陳步瀛未到任之先藩司汪新護理撫篆是以奏報秋成分數

已欣二麥逢收

好比較去年更覺豐

黔省本年二麥已獲稔收茲屆早晚二禾陸續登場稟奏各府廳州

縣內十分收成者二十六處九分收成者四十五處八分收成者三處合計通省實有九分有餘較之上年尤為豐稔現在糧價日見平減民苗無不歡悅

餘九分堪稱上稔平諸價實濟

孤窮邇來報歲多佳信切切持盈益惕衷

八旬萬壽盛典卷四十八

欽定四庫全書

八旬萬壽盛典卷第四十九

盛事 二十五 收成分數四

乾隆五十五年直省收成分數

直隸省二麥七分有餘秋禾八分有餘 江蘇省

二麥九分有餘秋禾八分有餘 安徽省二麥秋

禾八分有餘 江西省二麥八分有餘早稻中晚

二稻九分有餘 浙江省春花蠶絲早禾晚禾九

分有餘 福建省二麥八分有餘早稻晚稻九分
有餘 湖北省二麥八分有餘早稻中晚二稻九
分有餘 湖南省二麥八分有餘早稻中晚二稻
九分有餘 河南省二麥秋禾八分有餘 山東
省二麥秋禾七分有餘 山西省二麥秋禾八分
有餘 陝西省二麥九分有餘秋禾八分有餘
甘肅省二麥秋禾九分有餘 四川省二麥秋禾
九分有餘 廣東省早禾晚禾八分有餘 廣西

省二麥七分有餘早晚二稻八分有餘 雲南省
豆麥秋禾九分有餘 貴州省二麥秋禾九分有
餘 伊犁各屯十八分至三十分零 塔爾巴哈
台各屯二十三分零 喀喇沙爾各屯一十二分
至十五分零 烏什各屯一十八分至二十分零
烏魯木齊巴里坤各營屯一十五分至一十八
分零 吐魯番各屯一十二分至一十五分零
哈密各屯一十二分零

御製浙江巡撫琅玕奏西塘沙漲多雨澤麥收情形詩

以誌慰

庚戌

北坍南漲十餘年

海塘沙勢頽南坍北漲則塘根鞏固自壬辰以後漸覺北坍至庚子則北

岸漲沙盡坍今已幾

默識

二十年時為紀念

天心當轉旋已報沙痕漲西起

今據琅玕奏西塘一帶自潮神廟迤西至烏龍

廟於上年春間隨塘漲出陰沙約長五千七百餘丈寬至三百丈至一千五百九十丈不等經冬及春日漸高阜所有該處居民在上挑運載糧重物件業已堅實現在水勢趨南其南岸陰沙日漸坍卸而北岸日見日增因命賁送炷香交該撫親詣海神廟虔申禱謝

亟希夏風向東連總祈

神佑海恒晏敢情人工堤已堅

庚子甲辰兩次南巡親臨海塘相視前後命將

老鹽倉迤西塘工改築為石復於章家巷迤西至烏龍廟接建石工雖足為重門保障之計然究賴神佑獲若茲近塘沙漲向東日寬則塘身益資鞏固庶可永慶安瀾矣時若雨暘登二麥同

民額慶更變然

御製江西巡撫何裕城奏二麥收成分數詩以誌慰

庚戌

西江重稻弗重麥

江西素稱產米之區近年來頗多種麥蓋多一夏收於閭閻生計大有裨

益近歲方知勤夏收通計八分有餘獲

茲據何裕城奏通省產麥各屬

內收成八分者十九縣縣九分者五十四州縣合計麥收共八分有餘洵屬豐稔

亦資春末早

豐投却憐此地吐穗際正盼優膏灌粒稠雲密雨微不成寸雖然日遇日增愁

御製直隸總督梁肯堂奏報二麥約收分數詩以誌事

庚戌

去歲秋霖雖過甚却因利麥種成稠滿期獲十符全盼

可惜嗇三祇七收

直隸因上年秋雨充足民間種麥甚廣滋培茂茂本期十分豐稔茲依冬

春雨雪未足祇據報七分有餘殊為可惜

冬雪春霖胥致欠低優高歉普牽

酬梁肯堂奏麥收分數順天保定河間正定永平宣化等府及遵化州易州趙州等屬均七分有餘大名府

及定川所屬均七分天津順德廣平承德等及冀州深
州所屬均六分有餘等語凡高阜之地雖覺歉少而低
窪處所尚屬稍有通融核計猶在市間麪價翻稍減則以
在七分以上亦屬望出意外

豫齊通販舟

昨詢問順天府尹等據稱將來麥收分數
不無歉薄而近日市間麥價轉覺稍減蓋

因豫齊二省去歲豐收商舟慙
販抵運者頗多賴資接濟耳

御製河南巡撫穆和蘭奏報二麥收成分數詩以誌慰

庚戌

豫以麥為秋流通畿輔稠

豫省麥收為民食最重上年
河南二麥豐稔商販流通現

在京畿麪價轉減
實資其接濟也

云十

平聲見陸游老學菴筆記云轉
平聲可讀曰謔白樂天詩紅欄

三百九十橋宋文安宮詞三十六所
春宮館量以道詩示我十年感遇詩
豈易得稱八即中

收據穆和蘭奏各屬報到二麥約收分數復加確核查
豫省一百八廳州縣約收九分有餘者洛陽等四州

縣約收九分者滎澤等二十州縣約收八分有餘者祥
符等十五縣約收八分省祀縣等五十州縣約收七分
有餘者尉氏等十五州縣約收七分省林縣一縣約收
六分有餘者安陽等三縣合計通省收成八分有餘

時雨既已過晚田並可獲
又據奏河以南十府州縣雨
澤早已霑足惟河以北三府

得雨較少飭委道員往查據復稱懷慶衛輝兩府與河
以南相等彰德所屬雖三月後雨澤稍稀而二月前雨
雪亦已深透現又據彰德衛輝懷慶三府所屬各縣並
開封歸德河南南陽汝寧陳州許州汝州所屬具報於
本月十七八日得雨一二三四寸及深透不等現在高
梁早穀俱已出土得此膏澤滋培倍加暢茂晚穀雜糧

亦可於刈獲二麥之餘乘時播種等語

載咨司牧吏課賦漫深求

河南麥收既稱

中稔恐地方官趁稔督納稅糧良有司亦應體予惠養元元之意也

御製山東巡撫長麟奏報麥收分數詩以誌事

庚戌

歸舟過東省望雨早為愁各屬茲通計七分仍報收

據長

麟奏查得登州府本年雨水侵足二麥本屬豐稔其濟南等十一府州屬地處低窪麥苗均未受傷即高阜處所自得雨後麥根之旁所生新苗亦多結實飽綻茲據各屬稟稱二麥約收九分有餘者登州一府九分者青州萊州二府八分者濟南兗州二府濟寧一州七分者泰安沂州二府六分者曹州東昌二府臨清一州五分者武定一府通省率算核計本年二麥收成約七分有餘現在俱已刈獲其新生之苗亦漸成穗端陽節後即

欽定四庫全書

卷四十九

卷四十九

可收割通省大田亦已播種齊全一律長發自四五寸至八九寸不等穀豆亦俱出土一二寸至五六寸不等秋成可期豐稔民情轉施賴

天佑餅餌惠民疇畿輔幸同等

本年直隸連南府屬冬春雨雪亦未優渥以致

高阜之地分數減少昨梁肯堂奏稱通省麥收牽計尚可得七分以上是以前情形與山東相等雖不獲上豐猶可稱下失中不得酬

御製總督書麟奏安徽二麥收成分數詩以誌慰 庚戌

通歲南方知種麥

向來南省多種禾稻不以二麥為重近因疆吏督課漸知廣種楚麥而安

歲毗連豫省種麥尤勤民食頗資接濟

款因接豫用功勤奏來通省八分

獲據書麟奏報安徽二麥約收分數十分者阜陽英山
二縣九分有餘者黟縣青陽二縣九分者望江六安
等十四州縣八分有餘者懷寧無為等十三州縣八分
者歙縣績溪等七縣七分有餘者祁門等三縣七分者
鳳陽壽州等十三州縣六分有餘者巢縣宿州等四州
縣六分者靈璧一縣統計通省收成約有八分等語
足接青黃為慰云

御製浙江巡撫琅玕奏報春花蠶絲收成豐稔詩以誌

慰

庚戌

一日批觀兩奏摺

浙江巡撫琅玕奏報春收與江南總督書麟奏報安徽麥收之摺同日批

覽

浙稱收麥更蕪蠶

據琅玕奏浙省二麥收成杭州嘉興湖州寧波紹興五府屬計九分

有餘金華衢州嚴州溫州四府屬計九分台州處州二府屬計八分有餘統計通省麥收共九分有餘又奏杭嘉興湖州三府屬養蠶之處收成九分有餘統計通省蠶收亦九分有餘等語該省麥收計比安徽較優無以蠶絲豐裕有關民生衣食不淺覽奏深為慶慰

慰哉衣食資民計額慶維箴

戒滿談

御製湖北巡撫惠齡奏報麥收分數詩以誌慰

庚戌

通省六十

作平聲

八州縣麥收合計八分餘

據惠齡奏湖北省各屬雨

賜時若二麥現已登場計麥收分數九分者十州縣八分有餘者二縣八分者五十六州縣合計通省六十八州縣麥收共八分有餘際此大田甫種之時適得麥收接濟農民口食有資與情頗為歡豫

幸哉足

接青黃際慰矣真同黔赤如况復農時若暘雨庶其民

氣得舒徐邇來報穡多佳信

今歲江西河南安徽浙江等省陸續奏報麥收自八

分以上至九分有餘不等佳信頻仍批覽之餘益增欽惕

弗敢心愉益惕予

御製湖南巡撫浦霖奏報二麥收成八分有餘詩以誌

慰

庚戌

湖南不以麥為重大吏課耕勤為

去聲民

湖南省土性多不宜麥向來種

植二麥之處止有二十四州縣邇年大吏督課如茶陵武陵華容等縣亦知種麥計通省宜麥州縣共三十一

屬餘八分應號中稔屬三十幸獲皆均

據浦霖奏報麥收分數湘陰瀏

陽等八州縣收成九分茶陵道州等九州縣八分有餘
耒陽鄧縣等十州縣收成八分華容武陵二縣七分有
餘龍陽安鄉二縣收成七分統計各
屬三十一州縣共收成八分有餘
去年湖南秋成九分有餘實屬上稔茲當青
黃不接之時又得麥收接濟民食益臻充裕
利隰昀批摺不勝稱額慶惟虞志滿益增寅

御製陝西巡撫秦承恩奏報夏禾收成九分有餘詩以

誌慰並書賜之

庚戌

常慶麥收餘八分

今歲麥收各省報者直隸山東浙江
江西河南安徽湖北湖南已有八處

其多者亦祇八分有餘
至九分以上實為罕見
九分收實鮮曾聞忽來秦省佳

音報幸獲夏禾上稔殷

茲據秦承恩奏陝西夏禾約收十分者咸寧等十五縣九分有

餘者孝義等二十九廳州縣九分者五郎等二十五廳州縣除延安榆林綏德三府節候稍晚尚未報齊以上

六十九廳州縣收成九分有昨歲前年灾未逮秦省屢餘洵為上稔覽奏益深慶幸

去歲冬雪優霑今春甘雨春霖冬雪澤猶勤西民為去時被實為萬姓慶幸無已

感何修遇戒滿應同爾我云

御製四川總督孫士毅奏報夏收分數詩以誌慰即書

賜之

庚戌

西秦近報九分餘川蜀夏收又似諸

據孫士毅奏川省稻田甚多雖賴塘

堰灌漑究須雨澤滋培而山坡高地樹藝雜糧尤賴甘霖溥被今歲自春但夏屢獲優霑復晴雨應時邇來二麥俱已收穫完竣成都重慶順慶叙州夔州潼州嘉定眉州邛州瀘州資州忠州達州七府六直隸州收成均九分有餘龍安寧遠保寧綿州酉陽叙永三府二直隸州一廳均有九分雅州石碛一府一廳八分有餘理番一廳及茂州所屬八分統計通省來收共九分有餘等語川省與陝西境壤毗連昨秦承恩奏陝西麥收九分有餘茲川省春禾一律豐稔覽奏益為欣慰

兩省比隣胥上稔萬民連歲

慶安居雖云富矣難言教

既富而教夫子之訓固當遵也然有父母之責者苟不存

父母之心則不以為獲利之區即以為立名之地如柳宗元種樹之喻所言長人者好煩其令民輟饗殮以勞吏且不得暇又何以蕃吾生而安吾性蓋其弊有必至於是者向批柳文曾詳著其義居今之時生齒日繁物

價日長兼之長吏鮮有能實心愛養斯民者幸而地方
連獲豐稔小民庶得平康若遽高言教化則其令更煩
不誠有若宗元所言非以愛之實以害之者乎
孫士毅為督撫中之賢能者自能善體予意也 祇曰幸
哉稍救虛方伯載咨體予意聳謙戒滿漫驕如

御製雲南巡撫譚尚忠奏報麥豆收成詩以誌慰

庶民

路遠報來遲寧因遠或遺孰非予赤子總為

去聲計農時

菽麥九分獲

譚尚忠奏雲南省二麥蚕豆收成教內
麥豆并種之蒙化等一十八廳州縣高下

俱有十分鎮沅等十州縣判治低下十分高阜九分永
北等二十六廳州縣縣至治高下俱有九分大關等一
十五廳州縣低下九分高阜八分祇種蚕豆之思茅一
廳低下九分高阜八分合計通省收成實得九分有餘

欽定四庫全書

卷四十九

卷四十九

至沿邊各土司地方所種麥豆收成合計八分有餘滇省僻處萬山不通舟楫全藉本地所產以為生計麥豆雖非稻穀可比而遠近豐收足資接濟邊民無不欣悅閭閻萬姓怡南瞻誠慰志

慰以敬為基

御製雲貴總督富綱奏報兩省二麥收成分數及雨水

情形詩以誌慰

庚戌

夏收兩省九分餘渥雨頻霑高下畬

富綱前奏滇黔二省穀雨前後每旬

均得膏澤一二次麥苗俱極暢茂茲復據奏滇省於小滿前後天氣晴朗二麥登場極資曬晾及節屆芒種大田正資翻犁播種之時旬日內或陣雨頻霑或密雨連綿入土極為深透不特溝渠充滿即高旱處所亦俱積

水盈疇現在近河田畝栽插完竣高田並可一律耕種
齊全至黔省各州縣稟報得雨情形亦大概相仿其兩
省麥收分數通省牽算約計均有九分餘市集糧價本
不為昂又得麥收接濟價值益臻平減民情各極安恬
市價自然平賤里田間無不起耰耨敢云教化應加衆
地方當稔收之後既富而教亦事之宜然居今之時教
化亦豈易言苟司牧者或煩其令必致轉增苛擾如柳
宗元所云非以愛之適以害之者此意向屢言之

畧幸倉箱足慰予罅漏補苴

慎休養皞熙風豈易言諸

御製臺灣提督奎林等報收早稻八分詩以誌慰

庚戌

五月收早稻他方致鮮同

各省早稻每以六七月為收獲之期惟臺灣即地方較暖

茲據報五月中旬早稻俱已成熟登場此內地所不及也已欣接民食况復獲中豐

閩郡仍資濟

據奎林等奏該府雨暘時若早禾茂除臺灣一縣不種早稻外餘一廳三縣均勻

計算早稻收成共有八分等語仲夏為青黃不接之時得此可稱中稔在臺灣既有益民食而閩省漳泉各郡並資接濟覽奏實為欣慰海疆早偃功相於謹武脩臺灣歷任總兵率多營私牟利以致武脩廢弛自逆犯林爽文等就獲之後命奎林以提督銜任總兵嚴加整頓奸民盜匪胥就捕獲海疆自此可長享綏靖之福矣永靖愜深衷

御製閩浙總督伍拉納奏報早稻收成九分有餘詩以

誌慰

庚戌

昨歲漳泉畧歉收麥秋今夏稔稍酬

上年閩省麥收未能豐稔夏間又以

漳泉得雨較遲雖高田尚可補種禾苗而早稻收成合計通省僅七分餘今夏來收據伍拉納等奏八分有餘

民情已徵恬豫

茲當早稻登場際合計九分八厘優

伍拉納節次奏報該

省入夏以來雨澤調勻早禾暢茂茲據奏早稻收成分數除臺灣一縣向不插種早稻外其餘收成十分者晉江等五縣九分有餘者閩縣等一十七縣九分有餘者侯官等三十九州縣八分有餘者彰化一縣七分有餘者鳳山一縣統計通省實共九分有餘現在糧價有減無增農民歡忭地方俱極安靜兵燹久消民氣樂

盜風嚴緝旅行謳

自臺灣逆匪平靖之後小民得安耕鑿奎林等又復嚴緝洋盜大加懲創

商販流通毫無驚慮蓋年穀順成荏苒不生閭閻自形和樂即此可為治安之術耳

因之悟得治

安法祇在祈年念裏求

御製江西巡撫姚茶奏早稻收成九分有餘詩以誌慰

庚戌

九分餘進報閩中

昨接伍拉納奏閩省早稻收成九分有餘

茲閱西江獲又

同計合省秋幸存稔

今日姚茶奏江西早稻收成通省七十九廳州縣內收成八分者三

縣九分者四十廳州縣九分有餘者三十二廳縣十分者四縣牽美總計共九分有餘較之前數年更為豐稔

等語較前數載更為豐民天食重誠國本祈歲心殷廛已

表衆寓顓希多似此無厭

平聲

望裏凜盈冲

御製廣東巡撫郭世勲奏報早稻收成八分有餘詩以

誌慰

庚戌

迤南氣暖收成早稻獲八分仍有餘

據廣東巡撫郭世勲奏報秋收分數

九分者信宜等九州縣八分有餘者南海等四十州縣
八分者東莞等四十二廳州縣通省九十一廳州縣合
計早稻收成共八分有餘等語前據該撫節次奏粵東
春夏以來雨水調勻已深欣幸今閱奏報收成豐稔情
形慰謝之餘

益增欽惕

一昉奏章欣展彼永言慰謝益欽予豈辭

奢望遙和近惟是深思盈與虛不自為君難不識竟無

片刻得心舒

御製湖廣總督畢沅奏報湖北早稻收成九分有餘詩

以誌慰

庚戌

二麥稔收早穀成九分餘可告豐盈

今歲湖北省二麥收成已八分有餘

茲據畢沅奏該省入夏以來甘霖疊沛塘堰充盈民間
種植早稻最廣現已刈獲登場通省六十八州縣內除
應山等六縣不種植早稻外其餘收成十分者江夏等
八州縣九分有餘者通山等三縣九分者咸寧等四十
二州縣八分有餘者武昌等三州縣八分者安陸
陸等六州縣合計通省早稻收成共九分有餘
更稱中
稻芄生茂以及雜糧總發榮
卑沅又奏楚民本善務農
年來益勤稼穡今早稻既
獲豐收至中稻亦俱芄翼
異常有已經揚花者其各
種雜糧菜蔬棉花瓜果等
項處處發榮暢茂等語今
歲迄

南各省早稻多報上豐民食既裕閭閻景象益增
恬熙欣慶之餘惟有倍加虔惕以承 鴻貺耳 歲值

逋租重有獲民皆足食自無爭曷勝南望顙生慶却凜

滿招益屏營

御製護理河南巡撫景安直隸總督梁肯堂各報秋禾

收成八分有餘詩以誌慰 庚戌

發摺不同到日同 數摺閱其發摺之日景安於七月二

十九日梁肯堂則月之四日蓋路有遠近而豫 八分餘

報獲禾豐

景安奏豫省秋收約計九分者榮澤等十七
州縣八分有餘者杞縣等二十六州縣八分

者祥符等四十七廳州縣七分有餘者汜水等十八州縣合計通省約八分有餘梁晉堂奏直隸秋收除波水田畝不計外正定府屬約九分餘易州深州定州三州屬約九分順天保定順德大名宣化趙州五府一州屬暨口北道屬二廳約八分餘永平河間天津廣平承德連化興州五府二州屬約七分餘合計通省共約八分有餘等語直隸七月初陰雨連綿低窪地畝不無淹浸然高阜處所皆有九分餘則雖不似豫省之均勻而牽算仍八分有餘是

亦俱稱稔歲矣 逋因豫遠直近此熟在南先北後中二鬴皆堪稱歲稔連疆稍足濟民窮持盈保泰吾恒意怵栗惟殷敢懈裘

御製湖南巡撫浦霖奏報早稻收成九分有餘詩以誌

慰 庚戌

二麥已豐收

五月初浦霖報湖南二麥收成八分有餘

早禾復稔秋九分餘

統計

茲入奏稱通省七十四廳州縣內除永綏桂東二廳縣不種早稻外其收成十分者二縣九分有餘

者二十九廳州縣九分者二十九廳州縣八分有餘者十州縣八分者二縣合計通省早稻收成實九分有餘

閩閩蓋藏益增饒裕市價平減民情倍覺安恬

萬姓屢蒙庥

該省連歲秋收俱任九分以上本年

雨澤更覺調勻固已兆叶屢豐慰望之餘益增虔輦

南顧欣何極中心望實酬敬

思損益理謙輦敢優游

御製浙江巡撫琅玕奏報早禾收成九分有餘詩以誌

慰 庚戌

邇年兩浙率逢熟禾復九分餘報收

琅玕奏浙江省自入夏以來雨澤調

勻禾苗暢茂茲屆刈獲登場先將約收分數查核奏報除杭州府屬之海寧仁和錢塘三州縣並嘉興湖州二府屬向不種植早禾外所有杭州府屬富陽等六縣紹興衢州嚴州三府屬收成九分有餘寧波台州金華溫州處州五府屬收成九分統計通省早禾收成共九分有餘糧食充盈民情極為歡豫 所幸雨暘

時過夏茲當秬稻早登秋畧非上稔勝中稔既得衣優

更食優

五月初旬琅玕曾奏浙江通省蠶絲收成九分有餘今早禾又獲豐登閭閻衣食益增饒裕誠

堪慶幸

休息共民今正合底須逋課用心求

琅玕奏浙江省地丁屯餉

等項自五十一年至五十四年尚有未完緩徵之項係應按年帶徵者但國家當熙洽之時正宜與民休息地方官當善體予惠愛元元之意不可因年歲豐收亟亟以催科為事也

御製護廣西巡撫英善奏報早稻收成八分有餘詩以

誌慰

庚戌

粵西州縣殊漢土漢土由來皆子民早稻八分獲餘慶

晚田通省兆稱均

英善奏廣西漢土各屬氣候不同早晚禾稻隨宜播種茲當早稻成熟之

時漢屬內收成九分者十八州縣八分者四十州縣共五十八州縣合計八分有餘土屬內收成九分者五土州縣司八分者十九土州縣司七分者六土州共三十土州縣司合計七分有餘統計通省漢土各屬早稻收

成共八分

東資兼喜隣疆濟

廣東所產米糧每歲不敷食用向藉廣西補其不足

今廣西稔收不但本省民食充裕而隣疆商販流通兼資接濟南望深為慶慰

南望真紓比戶

貧農報多聞稔鮮歉幸哉今歲暢增寅

御製陝甘總督勒保奏甘省夏禾收成八分有餘詩以

誌慰

庚戌

蠹吏昔曾公作弊稱灾甘省例年年

甘省固素稱地瘠民貧然自王璽望

等侵蝕監糧每歲捏灾冒賑幾如成例可謂肆無所忌

察知懲戒除奸詭頗見收

成入疏箋

嗣經察出大加懲創以後歷任督臣屢報稔收乃知灾固由於虛報而剔除奸詭即以感

名天和理亦自不棄也

今歲雨時利禾隴八分秋穫報農田

據前

勒保奏本年春夏兩應時夏禾可卜稔收茲據秦稱該省河東等處二麥早已登場惟河西節候較遲每歲夏禾均于七月始行收穫所有約收分數寧夏西寧二府暨秦州階州二直隸州所屬各收成九分有餘甘肅一府所屬收成九分鞏昌平涼慶陽三府暨涇州肅州安西三直隸州所屬各收成八分有餘涼州一府所屬收成八分蘭州一府所屬收成七分有餘通省牽算夏禾約收八分有餘覽奏實為欣慰究為地瘠人貧處幸慰中仍民計懸

御製山東巡撫長麟奏報通省收成七分有餘詩以誌

慰

庚戌

春為望雨後霑澤滿擬大田歌屢綏

今歲夏初東巡旋蹕途中所見麥田

望雨頗殷嗣據長麟奏四月中旬全省連獲優霑意謂二麥分數即有減少而大田可冀豐收尚堪慰幸詎

謂夏霖間

去聲

潢潦因之數郡受沾

音危

詎料該省六月下旬霖雨連綿

馬頰等河盛漲漫溢以致濟南泰安東安武定兗州曹州青州各府屬濟寧臨清二州暨所屬內低窪田畝俱被淹浸當即分別賞給口糧優加撫恤以後應行加賑之處仍諭該撫次第照例籌辦務俾災黎不致一夫亦所急賄例賑行次第補短截長報定規
茲據長麟奏到該省秋成收分

數所有未經被水之府一律豐收萊州府屬約有九州沂州登州二府屬均約八分有餘其餘被水地方田禾不無傷損而高阜處所仍屬豐稔就各府屬災熟合計內濟南府屬約五十分有餘泰安府屬約有八分兗州府

屬並濟寧州暨所屬俱約八分有餘曹州青州二府屬
俱約七分有餘其俱經被水之各府州屬內武定府屬
約六七分有餘東昌府屬並臨清州暨所屬俱約四分
有餘通省截長補短合計七分有餘尚稱下稔覽奏雖
覺稍慰然被災之區小民生計維艱深堪憫惜不能不為
晚念也

通省猶能稱下稔慰

中兼惜為

去聲心馳

御製護理山西巡撫鄭源璫報秋禾收成八分有餘詩

以誌慰

庚戌

邇年山陝率多收霖應

去聲

夏時潦鮮秋斯固運行

天貺沐却虞盛滿我心籌幸而知儉民風樸

晉省民風儉樸平時日用不致

爭為奢靡更得夏秋不致爭奢物力偷餘以八分實中

稔

獲撫鄭源璿奏晉省本年夏秋以來暘雨應時所種秋禾俱已成熟所有九府十州屬及口外五廳約收

分數內十分者太谷等七縣九分有餘者寧鄉等九州縣九分者陽曲等十九州縣八分有餘者襄陵等六縣八分者臨汾等十二州縣七分有餘者祁縣等十六州縣七分者嵐縣等二十二廳州縣六分有餘者岢嵐等六廳州縣六分者臨縣等十二廳州縣合計

通省八分有餘實屬中稔覽奏深為欣慰

拈毫西望

慰心悠

御製安徽巡撫朱珪奏報秋收八分有餘詩以誌慰

庚戌

滯霖歛省報稱過意謂吾民沴沴羅賑卹頻教恩遍被

安徽之宿州靈璧一帶地勢低窪本年七月內雨水過多兼之毛城鋪深壩及天然峰山等開成洩之水由睢河匯注以致低田俱被淹浸節經飭令該督撫等查勘先行給予口糧又即撥銀一百萬兩交孫士毅飭屬妥為賑恤務俾災堵疏兼勅力毋訛前據福崧韓鑠蘭第

黎均雷實惠

堵疏兼勅力毋訛

前據福崧韓鑠蘭第

堰趕緊堵築斷流並將東清禦黃兩壩及五壩內智字一壩拆放以疏下游庶幾被淹民田可以及早涸出不致有悞

秋收數郡真叨幸統計八分餘以多

茲據朱珪奏

春耕
收分數內稱九分有餘者三州縣九分者二十二州縣八分有餘者三縣八分者十一縣七分有餘者三州縣七分者二縣六分有餘者四縣六分者三州縣五分有餘者三州縣四分有餘者二州縣通省核計約收八分有餘等語該省本年早禾雨澤調勻均已全收惟遲晚二禾因宿靈等屬間有被水豐歉不齊而大局牽算尚

稱中稔猶堪慰幸耳誌慰之中適誌愧幕調無術奈如何

御製陝西巡撫秦承恩奏報秋禾收成八分有餘詩以

誌慰
庚戌

麥收已報九分餘

今夏各省麥收多至八分有餘惟陝西奏獲九分以上

茲獲秋

禾略遜初

茲又據奏該省秋禾約收十分者咸寧等十廳州縣九分有餘者五郎等七廳州縣九分

者高陵等十四州縣八分有餘者沂陽等十七廳縣八分者咸陽等十三州縣七分有餘者耀州等八州縣統

計六十九廳州縣秋禾約收八分有餘其沿邊之延安榆林綏德三府州屬節候稍遲候報齊後歸入實收分

數題報等語該省秋成雖較禾收稍減而已在八分以上亦屬中豐矣

亦自中豐民足食

更無小歉俗安居屢綏西望誠欣彼

陝省連歲夏秋收成俱在八九分以

上洵堪欣慰

滿損一心為

去聲

惕予富教此時言豈易不忘柳

氏郭駝書

御製貴州巡撫額勒春奏報通省秋收九分有餘詩以

誌慰

庚戌

山田易致雨亦復不愁霖

黔省在萬山中經年多雨而山田易洩亦不畏霖故歲多

報是以多逢稔因之每慰心

茲據額勒春奏本年各屬早晚二稻次第登場所有

七十四廳州縣內十分收成者三十四處九分收成者四十處合計通省秋收實共九分有餘較之佳歲更覺

豐裕現在新糧入市米價日見平減洵足慰懷九餘則近十昨繼更綏今衣食

民苗帖寧須稱武臨貴州民苗雜處昔常不靖今久安

衣食既足奪攘不興亦無事臨之以威武也

御製四川總督保寧奏報秋收九分有餘詩以誌慰

庚戌

全蜀年來歲號收山田易雨易為流

川省亦以多山故雨易而洩亦易常

無旱澇之虞

不愁旱亦無虞澇常獲夏還有稔秋九近十堪

上豐報

茲據保寧奏川省各屬收成九分有餘者八府五州一廳九分者一府二州一廳八分有餘者

一府二廳一州八分者一府一州七分有餘者一廳合計通省秋收共九分有餘洵稱上稔

民和番

免一餐憂內安外靖衣食足西顧惟深保泰謀

御製江蘇巡撫福崧奏報秋禾收成八分有餘詩以誌

慰

庚戌

江省秋收報後時撫臣易侍彙陳遲

前以江蘇省未奏秋收分數馳旨催

訊實因新易撫臣必待各屬報齊覆加確核是以不免稽遲耳

雖然合計中稔矣

茲據福崧

奏江蘇收成十分者二十一廳州縣九分以上暨九分者二十九廳州縣八分以上暨八分者二縣七分以上暨七分者十二州縣六分有餘者三縣五分有餘者一縣不及五分者二縣統計通省秋收尚屬八分有餘可稱中稔

實以偏災獨念之

該省今歲秋雨稍多山陽等十數州縣內低窪之田多被

欽定四庫全書

卷四

八旬萬壽盛典

二十

淹浸較之別屬收成自減分數已屢飭地方大吏加意賑卹以紓縫念蓋雖屬偏災而貧乏堪憐實不能去諸懷隣郡有無縱相濟一區貧乏莫教遺因豐者慰因歉也

憾方寸恒慚鮮定期

御製陝甘總督勒保奏報秋禾收成八分有餘詩以誌

慰
庚戌

秋收繼夏收齊報八分稍

勒保前奏甘省夏禾收成八分有餘茲又據奏秋禾收成

分數寧夏甘州二府各九分有餘鞏昌平涼涼州西寧四府暨秦州階州肅州安西四直隸州各八分有餘涇州直隸州八分蘭州慶陽二府各七分有餘合計通省秋收實在八分有餘甘省貧瘠之區夏秋疊獲中稔殊

深慶
慰

中稔既疊獲萬民庶解憂究為貧瘠處尚慎蓋藏

謀三縣逢霜早緩征詔降優

又奏蘭州府屬之皋蘭金縣靖遠三縣秋禾間有被

霜之處雖尚不及一隅中之一隅然亦即降旨緩征以示軫念迨抵至意

御製湖廣總督畢沅報中晚稻收成九分有餘詩以誌

慰

庚戌

早中晚稻幸三登耄念八徵慶叶徵

湖北今歲早稻收成已報九分有餘

茲中晚二稻復據畢沅奏稱收成十分者十州縣九分有餘者十二州縣九分者三十五州縣八分有餘者七州縣八分者四州縣合通省共六十八州縣統計亦九分有餘等語予以壽躋八旬寶鐫八徵耄念觀茲一歲

三登豐稌叶慶稻
之載藉實亦罕聞

前沴庶幾元氣復

荊州江陵等州縣
自前歲災沴之後

去歲雖已獲中豐而元氣尚未必全復
今幸得此上稔小民生計庶可漸充

冬蕤又見衆農

興卑汎并奏近日膏雨頻霑節過秋社
正可及時起種冬麥民情倍覺恬熙

蓋藏民固自為

計教化官當善示恒

楚民好訟
故及之

各省豐多報歉少

今歲
各宜

省奏報夏秋收成數多在八九分以上幅員遼濶不
無偏隅偶歉要亦不及百分之一心艱保泰能不益切

稟

撫茲泰運益兢兢

御製江西署巡撫託倫湖南巡撫浦霖各報中晚稻收

成九分以上詩以誌慰

庚戌

江右湖南魚米鄉有收普足濟倉箱幸聞兩省遞佳信

各報三登均上穰

今歲江西湖南早稻收成均報九分有餘茲當中晚二稻收穫之時據託

倫浦霖同時奏到仍各九分有餘兩省疆域毗連均獲三登洵稱上瑞

擬致民安祈歲稔

無煩吏治自時康豐多歉少頻閱奏慶慰益增惕不遑

御製江蘇巡撫福崧奏到二麥收成分數詩以誌慰

庚戌

收麥江蘇報應早易其宣撫到因遲

江蘇巡撫閔鴻元因徇庇高郵州知

州吳煥袒護蠹吏假印冒微一案草職拿問因將福崧調任蘇撫福崧於五月初旬方經到任是以奏報較遲

重征侵蝕屢為弊吏治後奸可不知

高郵之案正在審辦間復據福崧奏

江寧句容縣有書辦侵蝕銀糧至數千金一案該省書
役舞弊亂法自督撫以及府縣等竟置之不問吏治至
此尚可問乎是以不得
不嚴加懲治以示儆戒
補奏茲聞九分騰
省二麥實收
分數內收成十分者溧水長洲等三十七廳州縣九分
者上元句容等十五廳州縣八分有餘者山陽阜寧等
八州縣八分者江浦安東等四縣七分有餘者豐沛等
四縣七分者海州併所屬贛榆縣統計江蘇通省二麥
收成實九分
有餘等語
遐思如見萬民怡南巡六度輿情悉親切
相關更倍之

臣等謹案洪範以八庶徵屬天九五福屬人蓋
八徵全為農功而八徵之時若即為五福之先

北從來召和致祥之道皆取必於陰陽之叶宜
況於四海之大民計之殷無不目

皇極敷錫而彰其應者乎我

皇上披圖刻玉瑞闡八徵凡茲雨暘燠寒風之順序
我農民實攸賴之年來不特腹地耕畝疊增歲
獲即新疆伊犁烏魯木齊之遠亦皆墾屯服晦
屢報有秋衍繹範意五行以稼穡居中八政以
食稱首至百穀用成而庶徵迺見

天庥之備五福用申

天錫之純其義有昭然不爽者伏讀

御製五福富頌云有天下者其富若無然亦有焉乃


在民乎是惟不言所利而自能以美利利天下

穰穰綏

壽正今日之謂也既聚天下之富以富

一人所為合天下之壽以壽

一人也而壽次以富之義亦於斯可互證矣



八旬萬壽盛典卷四十九

欽定四庫全書

史部

欽定八旬萬壽盛典卷

五十一

詳校官編修臣汪鏞

欽定四庫全書

八旬萬壽盛典卷五十

典禮

一 慶祝

臣等欽惟我

皇上以康彊備福之躬

臨御五十餘紀天下臣民沐

化澤之久長際

禔祉之純備無日不思以祝

表之末誠藉伸感

思之積悃非襲介眉頌嘏之具文也蓋

聖崇實德禮順人情前者

稀齡籲祝

特示謙沖令閱十年而

耄壽茂增輯諸蕃祉天人之訢合中外之懽愉允軒皇

甲子以來所未覩臣等仰惟

皇上鼎錄凝禧蘿圖集福時時

敬

天以迓庥祥事事

法

祖而惇彝典茲

鴻慶之舉篤

吳貺則億齡未艾遵

前軌而廿載有加禮時為大殆斯謂歟維時元正肇祝秋

覲偕來奉

慶輦之輝煌應節韶之儀舞禮明樂備茂典光昭懿哉
萬年嘉會孰能罄鋪張於禋儀者耶

乾隆五十二年八月十二日

詔允諸王貝勒大學士九卿及直省將軍督撫提鎮臣
等之請

命於五十五年舉行

八旬萬壽慶典

乾隆五十二年八月十二日內閣奉

上諭朕寅紹鴻圖仰承

昊眷臨御五十餘年壽躋上耄五世一堂錫光篤慶介景
延禧允為史冊罕覲昇平盛瑞茲王公大臣及直省
將軍大吏等以乾隆五十五年朕八旬萬壽籲請舉
行慶典預祝蕃釐覽奏具見誠悃前此朕七旬慶節
內外大臣奏懇恭祝萬壽朕以徒增糜費未俞所請
今內而王公大臣外而將軍督撫大吏以朕壽屆八
旬臣工身際昌期久承渥澤感激懼忭出自積誠朕

若仍不允准無以申臣下臚懽祝嘏之願轉似近於矯情且載稽前史三代以後帝王克享大年莅國最久者不過六君其年逾八旬者僅梁武帝宋高宗元世祖三君而其在位則不過三四十十年若朕躬膺上壽海宇乂寧親理萬幾孜孜不倦五十餘年如一日者實古所未有此皆朕仰賴

上天嘉佑

列祖垂庥用能膺受純熙康彊逢吉允宜光昭盛軌以答

昊貺而洽輿情著照所請于五十五年舉行萬壽典禮所
有一切儀文俱恭照朕從前率天下臣民恭祝

聖母皇太后六旬七旬八旬

萬壽慶典之例備辦毋得稍有加增致滋糜費若內外臣
工等不能仰體朕意惟務踵事增華鋪張過甚轉非
至誠愛戴之心逮時朕亦必不受也至此次慶節率
土歡騰宜特沛殊恩以光鉅典所有應行加恩各事
宜著內閣及軍機大臣擬開條欵進呈候朕酌定另

降諭旨

和碩睿親王臣淳穎率領諸王貝勒大學士九卿

等謹

奏為

慶集

昌期歡臚率土敬陳積悃願睹

隆儀事欽惟我

皇上福備箕疇治光軒紀慎厥修而思永

寅紹丕基久于道以化成緝熙

純嘏建極保極會運世乃統于元大生廣生祿位名必
得其

壽粵若紀逢開甲萃一堂

五代之祥洎茲歲叶先庚肇

萬壽八旬之慶

功文極乎魏煥典禮觀其會通瑞軼古今歡騰中外溯
自

豐規則大苞符開乾健之爻

馨德升聞圖籙演泰元之筴業兼守創績

洪緒而仔肩統合

君師徧芸生而在宥

神武則星源月竈隸漢唐宋元明莫隸之方輿

聖文則奎藻雲章開唐虞夏商周末開之邠運况復父

母羣物天地一家惠我有孚所其無逸東作西成

之補助問夜求衣先河後海之宣防乘春蒞

蹕罷催科于廬井鏐租普免者三停轉漕于餘糧玉粒
全蠲者再千百萬帑金疊沛發

綸言而山積泉流廿四科慶榜聯開顓髦俊而雲蒸霞
蔚是以九流仰鏡翊鞏固于金甌六氣調鈞賡延
洪于玉券蒼緯應房心之位

德乃福基紫垣明角亢之占

仁為壽體際淳龐之懿軌惟讓

善而弗居臻盛美之上儀洵推

思其有自錫類廣施仁之量典勿參于

五旬六旬單心裕基命之原

幾恒勅于一日二日迨夫

古稀躋袞

昊貺增庥千載一時萬方同慶瑤源毓祉曾元衍姬懿之

庥翠瀝流甘耆耆普堯尊之惠珠囊錫羨未足摹

繪光華玉檢登封詎能鋪張英茂顧廼道沖為用

播

鴻名而莫能名澤克无疆施美利而不言利謹

德隅而念典黃屋凝旒凜

心矩以敷言丹書陳宸時幾交必昭祐助于

穹儀第祿允康席純常于

景祚太和所謂道惟久則徵嘉會得其亨於斯為盛洪

維

椿紀迓上章之歲覽揆延禧蘿圖應

曼壽之辰期頤兆瑞披廿二朝之甲子享國疇如三代

以前統八千歲為春秋

介年初度百分之一實鳳籀龍編所未覩洵電樞星渚
之莫京猶復

謙德彌尊

淵衷益懋際累洽重熙之治華祝三辭

厘持盈保泰之懷幽飭再讓典隆法

祖考鴻章而已展廿年祐篤承

天富

鼎錄而粵開萬禩雖元功不宰大鈞昭易簡之符而協
氣所蒸寰宇切

尊親之戴驗風受吏梯航無間于遐陬獻曝酬

恩舞蹈不遺于編戶沐陽春之煦育草木貢其蕃庶覩
復旦之文明星雲呈其紉縵揆厥感孚之理倍萬

驩訢準諸協應之情大千讚誦臣等幸依

黼座常侍

彤廷仰睟穆之

天顏康彊逢吉祝升恒之

聖竿福祿來崇

壽宇偕遊頌禱罕徵諸史牒

恩輝久被就瞻彌篤于班行竊惟鞠脰稱觴共志循陔
之喜矧夫賡颺拜手羣伸聯陞之歡荷

燾載之深仁效抒誠于葵藿普垓埏之至樂擬祝

嘏于臺萊伏願

俯順輿情踵修

鉅典集千春之

慶社量福海以添籌合九寓之歡心測恒沙而益紀庶
幾郊遊椰集成應

帝期巷舞衢謠交陳王會九萬里圓顱方趾褰裳來鷺
鰈之區三千叟皓首龐眉扶杖集龍鸞之隊臣等
寔深踴躍懽忭激切屏營之至謹合詞恭摺具

奏伏祈

皇上聖鑒施行謹

奏

將軍臣都爾嘉同直省將軍總督巡撫提督總兵
都統學政鹽關織造諸臣等謹

奏為

聖壽凝禧興情積忭敬抒誠籲共懇

恩俞事欽惟我

皇上福基自德

壽本諸仁積籌

開七袞之初既超六帝而治功甚遠

握籙越五旬而外更後三代而往牒未聞仰

敬

天

法

祖愛民勤政之心予億兆人以共見臚

文德武功弼制顯庸之盛系千萬牘而難窮莫贊一詞

維抒衆志達下情之忠孝彰上瑞之苞符必有

德乃其有心曰以頌實斬以祝竊以天皇萬歲史臣喜
紀其春秋黃帝百年大撓慶編其甲子堯耄期而
勤著衢壤効歌舜大德而壽符星雲同慶雅賡戩
穀徵日長川至之祥幽晉無疆躋朋酒羔羊之獻
允合詩書之古義真由草野之至情惟我

聖主久道化成惠心元吉

撫綏黎庶則蠲紓賑備之不絕書

覆冒臣工則

教誨成全者亦多術

特科廣選

澤屢被于縫衣厚廩酬軍

恩悲周于衲服極天所覆偕一十八省而共樂舒長入
人也深閱五十二年而彌加淪浹凡平日之塗歌
巷舞咸欽

有道聖人際

昌辰而膜頂焚香同依

無量壽佛前值

古稀之鴻度竝殷祝

嘏之蟻忱

皇上謙德示冲

天懷崇儉念切於

君心民體知兆姓有願稱觥

樂惟在吏畏民懷

諭列服無庸詣闕莫展祝

釐之典仍邀

行慶之恩雖

天地為心如父母不言施報而歲月以異即愚賤亦具
性情含意未申久懷欲吐事豫則立積七年當後
甲之辰誠感而通期

萬壽值先庚之歲虹流電繞

箕疇備五福之堂日升月恒

軒紀周八旬之筭蘭階就傳蕃椒衍饒之益臻

楓宸勅幾食旰衣宵之逾劬

日又新而富有

天不息而貞恒八卦生八卦成八八紀大衍之策五數
天五數地五五居河圖之中運悠於乾清坤寧慶
洽乎上蟠下際皇春帝夏閱

壽寓而偕遊卿月民星望春臺而共上虔思引領肅佈
齊心歲序逢春在蟲鳥亦鳴其豫曦光正午凡天
翹莫閱其榮山當呼嵩嶽之三水解向朝宗之四

況乎三千人叟宴引

熙朝長養之年亦有二百户元孫羅

盛世蕃滋之衆銅鳩竹馬各懷益

壽之心極北弧南併作稱觴之宇自

天子所莫不

尊親為

聖人氓偕來奔走軒乎舞鬟乎鼓音如大海潮音暢者

埃溯者埏數比恒河沙數願垂嘉會樂舉

上儀叶

萬壽之逢辰先三秋而卜吉相小民之年及歲尚邈東
帛之頌如赤子之壽其親猶効萊衣之舞芹雖微
而可獻曝亦寫忱葵以賤而知傾

日能迴照臣等情依愛景職在宣風仰
乘乾出震持謙保泰之衷

康彊逢吉萃東漸西被北變南諧之悃聲教大同採自
輶軒民之情大可見酌言康爵

天之聽且弗違仰懇

俞音獲成

盛禮粵惟述

祖德期已展於廿年從此祝

聖人典更隆於萬度歛厥福錫厥數五

皇極而道乃會歸南有臺北有萊

萬壽祺惟民之父母茲據官紳兵民等合詞歡籲前來

臣等謹合同繕摺具奏伏乞

皇上聖鑒施行謹

奏

乾隆五十三年三月十四日

特派大臣總理五十五年

萬壽慶典事宜

乾隆五十三年三月十四日內閣奉

上諭上年八月王公大臣及直省將軍督撫大吏等以

乾隆五十五年朕八旬萬壽籲請舉行慶典朕因王

公內外大臣等身際昌期久承渥澤臚歡祝嘏出自
積誠且朕自臨御以來親理萬幾孜孜不倦五十餘
年如一日茲仰荷

上蒼眷佑

列祖垂庥膺受純熙錫光篤慶躬躋上壽五世一堂實古
所未有允宜光昭盛軌以答

景貺若却而不行轉覺矯情是以特俞所請並恐王公內
外大臣等過事鋪張業經諄切諭令祇照

聖母皇太后六旬七旬八旬

萬壽慶典之例備辦毋得稍有加增現在王公內外大臣等因朕俯允所請踴躍歡忭亟欲抒誠其應備儀文典禮甚鉅若不專派大臣董理其事恐承辦之員未喻朕意仍不免踵事增華致滋繁費非所以體朕嘉與諸臣効誠獻悃之心也所有五十五年萬壽慶典各事宜著派阿桂和珅劉墉福長安胡季堂金簡李綬伊齡阿總辦以期經理得當用光鉅典

臣阿桂等謹

奏為

天開

壽宇薄海臚歡敬伸祝

嘏徽忱恭襄

盛典事乾隆五十二年八月十六日奉

上諭茲王公大臣及直省將軍大吏等以乾隆五十五年朕八旬萬壽籲請舉行慶典預祝蕃釐覽奏具見

誠惻著照所請於五十五年舉行萬壽典禮等因欽此又於本年三月十四日欽奉

上諭現在王公內外大臣等因朕俯允所請踴躍歡忻亟欲抒誠其應備儀文典禮甚鉅若不專派大臣董理其事恐承辦之員未喻朕意仍不免踵事增華致滋繁費所有五十五年萬壽慶典各事宜著派阿桂和珅劉墉福長安胡季堂金簡李綬伊齡阿總辦以期經理得當用光鉅典欽此竊臣等身際昌期恭遇

皇上八旬萬壽普天同慶率土騰歡凡內外大小臣工
莫不欲各抒忱悃共効祝

釐臣等前經酌定章程並將內外大小臣工願抒經費
分別清單恭呈

御覽後面奉

諭旨朕八旬萬壽舉行慶典原因王公大臣等籲請祝
釐出自積誠俯俞所請止需令伊等少出經費以遂
其臚歡祝嘏之願不必踵事增華過於糜費前所降

諭旨甚明今所擬經費各數未免太多著將章程另為酌議並將經費再行酌減具奏欽此仰見我

皇上體恤羣工黜華崇儉之至意臣等復將原定章程及原議經費各數悉心酌議大為核減惟期儀文隆備不敢過事鋪張恭查從前二十六年三十六年節經總理大臣等奏准自

西華門至西直門分為三段令兩淮長蘆浙江商衆來京辦理點景西直門外自長河一帶至

暢春園宮門舊有房座亭臺重加修理由總理大臣等相地間段點設景物城內外兩旁鋪面一律修葺整齊油飾見新所需經費由王公大臣八旗各部院衙門及各省督撫解交應用工竣後據實核銷等因在案今此次應請仍照從前辦定之例自西華門至西直門仍分三段段令兩淮長蘆浙江商衆來京自行辦理點景以遂其衢譚巷舞之忱臣等仍董率稽查其西直門外石道兩旁至

圓明園宮門前臣等酌量地勢點綴亭臺房座山樹景物使疎密相間不至過於繁費至城內城外兩旁鋪面房間亦一例修葺油飾見新俾觀瞻整肅臣等派員詳細踏勘另行繪圖恭呈

御覽敬候

聖明指示再行核實辦理報銷所有王公大臣八旗各部院官員應交經費行令戶部在各該員俸廉內分別坐扣其各省督撫府尹將軍副都統鹽政織

造監督等應交經費容臣等寄信令其毋庸解京
即令各於本省藩庫運庫織造關稅等庫就近存
貯候撥臣等於戶部開款項下照數撥運廣儲司
另貯備用以省將軍督撫等運解之繁至各省督
撫應交之項臣等現在按其通省養廉數目量其
多寡酌量令其扣繳十分之二五俾各督撫等既
得效悃抒誠而養廉仍有贏餘足敷辦公之用仍
令不得借端派累致滋弊竇是否有當伏祈

訓示為此恭摺具

奏伏乞

皇上睿鑒謹

奏

乾隆五十五年

旨諭直省將軍督撫副都統提鎮藩臬諸臣每省

特派二三員來京并酌帶道府丞倅將備等隨班慶祝

乾隆五十五年正月二十九日奉

上諭朕本年八旬萬壽寰寓臚歡薄海內外臣民咸深
慶忭即在屬國藩封或親赴闕廷或遣使叩覲無不
競趨王會抒悃祝釐外省將軍督撫副都統提鎮藩
臬等官自必情切葵傾羣思瞻覲第念各省文武大
吏職守綦重若同時並赴恐地方營伍事務管理乏
人或有貽悞轉非敬事効忱之意朕於各省將軍督
撫副都統提鎮藩臬內每省各酌派二三員均于八
月初五日以前到京並各酌帶道府丞倅將備等二

欽定四庫全書

卷五十一

三人隨同班列其未經派定來京者毋庸紛紛籲請
庶各省文武官員既得遂其祝嘏之忱而於本任職
司要務又可丕虞曠廢方為妥善將此通諭知之
遵

旨赴

京祝

嘏文武大員

兩廣總督協辦大學士公福康安 直隸總督梁

肯堂

署江西巡撫姚榮 福建巡撫徐嗣曾 湖北巡

撫惠齡 河南巡撫穆和蘭 雲南巡撫譚尚忠

江寧布政使陳大文 江蘇布政使奇豐額 山

東布政使繆其吉 山西布政使鄭源璫 甘肅

布政使蔣兆奎 四川布政使和寧 廣東布政

使許祖京 廣西布政使英善 貴州布政使汪

新

直隸按察使阿精阿 江西按察使司馬駒 湖
北按察使孫曰秉 湖南按察使恩長 陝西按
察使姚學瑛 廣西按察使湯雄業

黑龍江將軍都爾嘉 寧夏將軍旺沁班巴爾
福州將軍魁倫 杭州將軍寶琳 荊州將軍圖
桑阿 江寧將軍永慶

察哈爾都統保泰 錦州副都統薩克慎 吉林
副都統索喜 伯都訥副都統僧保 齊齊哈爾

副都統巴里木達 西安副都統阿克棟阿 涼

州副都統奇臣 乍浦副都統科靈阿 福州副

都統色克圖 青州副都統慶霖

直隸提督閔正祥 江南提督陳大用 固原提

督王彙 浙江提督陳杰 四川提督成德 廣

東提督高瑤 廣西提督梁朝桂

宣化鎮總兵愛星阿 蘇松鎮總兵魏轍 建寧

鎮總兵顏鳴漢 黃巖鎮總兵劉文敏 定海鎮

總兵伊里布 登州鎮總兵朱泰德 大同鎮總

兵巴揚阿 河北鎮總兵王普 重慶鎮總兵諸

神保 永州鎮總兵劉君輔 襄陽鎮總兵彭之

年 宜昌鎮總兵馬定勳 碭石鎮總兵陳莊

臨元鎮總兵定柱 騰越鎮總兵劉之仁 安籠

鎮總兵范建豐

督撫臣等疏報直省耆民遵奉不必來京

恩旨

恭載
恩賚門

俱於各本籍叩祝

萬壽

江蘇巡撫臣福崧謹

奏為耆民遵奉

恩旨在籍慶祝

萬壽事竊臣欽奉

諭旨前恐各省耆民等情殷葵向思欲遠來効悃祝釐
此等年老之人正須頤養跋涉辛勤轉非朕安老引
年之意特明降諭旨令各督撫轉飭地方官出示曉

諭不必來京等因欽此臣跪讀之下仰見我

皇上體恤耆民

恩施優渥之至意伏思本年恭逢

聖主八旬萬壽普天洽慶薄海臚歡江省耆民情殷葵
向咸思赴京叩祝競効

嵩呼各府州縣官據情籲請者不一而足臣欽遵前奉
諭旨謹將

皇上體念高年恐致跋涉辛勤之

恩意明白宣布未經伴送起程除應行賞給粟布等項
先已照例分別給賞外並諭以爾等祝

嘏情殷不妨於本府縣

萬壽宮門外隨官叩祝臨時仍賞壽麵與食併給與銀
牌各耆民俱皆同聲拊頌感戴

皇仁茲當慶賀之辰各府州縣等詳稱該耆老人民或
隨地方文武官員在本城內

萬壽宮龍亭前歡呼拜舞或就各鄉村市鎮扶老挈童

捧香叩祝共稱

聖壽無疆實為非常慶幸所有臣遵

旨曉諭未令耆民赴京俱在籍慶祝緣由理合具摺奏
聞伏乞

皇上睿鑒謹

奏

以後各省
奏報同

臣等謹案周官嘉禮之職六曰賀慶蓋朝廷有
備致之福祥臣下之愉慶同之爰乃臚歡志喜

於非常而克成盛禮焉我

皇上八袞昌辰臣等獲奉

俞音敬修茂典屢繹

聖訓諄諄以毋侈繁文毋涉糜費為誠期協典則之
宜是以尚董事之責成裁經費之浮冗籌酌悉
歸盡善而又

親遴詣闕諸臣昭慎重於職守于時惴忱畢達當
大慶鴻龐之際荷

聖慈曲體之加莫不忭躍奮興願偕擊壤堯民長深

頂祝是則

熙朝禮度極情深而文明從茲

億紀延洪有益切無疆之慶者耳

八旬萬壽盛典卷五十